



## सुजुगिरिनि खोलोम

### बिफां-लाइफां फोजोवझांनाया सुबुं समाजनि मोनसे गिदित जेंना

सुबुं समाजआ जेसेबांनो गोदान गोदान खात्थि, आदोब बाहायनो लादो बिब्दिनो सान्नाय-हनाय, मिजिं आरो गोसोयाव एसेबांनो हास्थायनाया मोनसे हुदा बादि एखुथायै जायगा लानो हमदो सुबुं समाजआव। सान्नाय-हनाय, गोसो जानायफ्रा गोदान गोदान खिलिखानाया खायनो सुबुंनि लुबैनाय हास्थायनायाबो गुवार अरलानो लामा लाबाय। जायनि थाखाय मोनसेनि उनाव मोनसे जाफुंसार हाबा मावनानैबो मिजिंनि सान्नाय-हनायफ्रा गुबुन गुबुन बिथिडवबो मोजां-गात्रि सायख 'नो आवबा जानानै फेदो। बेफोरबो सुबुंनि मोनफा मोनफा गोरोत्थि। जाय गोरोत्थिया दिने सुबुं माहारिनि थाखाय गिनांगो जानानै फेदो। बेनो जादो अरन बारि एवझांनाने हादान सिफायनाय आरो आबादथिलियाव महर होनाय। अरन बारि एवझांनानानै आबादथिलि खालामनाया बबेबा दरसे हादतयावल 'थाबथानानै थायाखै, बुहुमनि गुबुन गुबुन हादतफ्रावबो हादान सिफायनानै आबाद फोथार खालामाखैब्लाबो बेफोर हादतफ्राव गिदित गिदित उद्यग गायसन्नो लांदां खालामनाय जादो। मोनफा नडा मोनफा थांखि आरो मुलाम्फाखो नोजोर होनाय अरन एवझांनानै आबादानो जा एबा गिदित-फिसा उद्यगाओनो जा नाथाय बेनि गेजेरजो लोगोसे मिथिंगानि आबहावायाबो समानैनो गुबुले जाबोनानै सुबुं माहारिजो लोगोसे बुहुमनि गासै जिउ-जिबिफोरनि फासै गिथावना थासारि लाबोनो लामा होदो। सानध्रहायै कल-कारखाना, उद्यग फार्सेथिं मथर-गारि, बिफां-लाइफां फोजोवझांनायनि जाउनाव सानफा-एफा बिदुं बारायखोनो लानाय नुजानायफ्रा दिने बयखोबो सान्नायनि फारखा होदो। जाहाथे इयुनाव बे रोखेम मिथिंगा फोजोवझांनाय हाबाखो दामावसै होनायै। बेफोर जाहोननि थाखायनो दिने अबथिरा अखा-बांखा, दै बाना, खरां रानझाव बोथेर नुजानानै आबाद दिखानायावबो जेंना नुजाथिबाय। जायनि फिथाया आदारनि अलखदबो लाबोनो हागो सुबुं माहारिनि गेजेराव।

सुबुं समाजनि बाधाल 'नडा, जिउ-जुनात, दावसिन दावला, एम्फो-एनला बयनिबो थाखाय अरन बारि, बिफां लाइफांनि गोनांथार जायो। जिउ-जुनातआबो हाग्रा-बंग्रा, बिफां लाइफां नडाब्ला जेरै थावरिनो हाया, मानसि माहारियाबो जिउ खानो हाया। मिथिंगानि सोर्जिनायफोरनि गेजेराव बिफां लाइफां, हाजो-हाला, दैमा-दैसा, दैयु-निजिरा बाइदिसिना गैयाब्ला जिउ-जुनातफ्रा दांदिसेनि थाखायब्लाबो थानानै थानो हानांगीया गोब्राब। हाग्रा-बंग्रा, दैसा-दैयु गैयाब्ला बुहुमनि आबहावाया जिउ-जुनात थानानै थानो हायै बाइदि गुबुले जागोन।

सुबुं समाजया बिफां-लाइफांनि सायाव जेरै बाइदि सोनारो बेखो साननो रेंब्ला हाग्रा-बंग्रानि सायाव बे रोखेमनि अनागार खालामनाय नडा जागोमोन। बेखायनो इयुन जोलैफोरनो बिफां-लाइफांनि गोनांथिनि सोमोन्दै मोजाडे गियान होनांगोन आरो बेफोरखो माब्रै अननांगो, फोथानांगो, रैखाथि होनांगो गोथौथै फोरोंगोनो, मिबथिहोनांगोन, बिफां-लाइफां, अरनबारि थायाब्ला जिउ-जिबिफ्रा बुहुमाव थाना थानो हानांगीया गोब्राब।

## दिनैनि फानजायुधि

### राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

**मेष:** सोरजोबा दावराव जाफलांबायनो हागो। गोसोआव दुखु मोन्नाय सोमजिखानो हागो।

**बृष:** सोरबा लोगोनि अन्नाय एबा हेफाजाब मोन्नो हागो। गोजोन्नायखो मोनगोन।

**मिथुन:** देहायाव बोरे बाफोर जोखोमफोर मोनबायबायनो हागो। जेरैबो सांग्रां जानानै थानांगोन।

**कर्कट:** बेफार-फालांगि मावनायाव खहाफोर जाबायबायनो हागो। सांग्राडे मावनांगोन।

**सिंह:** हरखाबे माबा मोनसे मोजां खीरां खोनानो मोनगोन। गोसोखो गोजोन मोनगोन। मोजां सान।

**कन्या:** जेखि मावा रांखावरिनि मुलाम्फा मोन्नो हागोन। फालांगिरिनि थाखाय मोजां सान।

**तुला:** दावबायनानै रंजानाय-बाजानाय लानो हागोन। गोसोखो गोजोन मोनगोन। मोजां दिन।

**बृश्चिक:** दिनैनि दिनाव खस्ट मोन्नाय हाबा मावनांनो हागो। गोसोखो गोजोन गैथै मोन्नो हागो।

**धनु:** मोजां मोनलायनायनि दौलेआ गोरा जालांगोन। अनलायनाया बांगोन। मोजां सान।

**मकर:** नख 'र संसारनि सोमोन्दै जिउ खानायाव उदिस लायै जालानो हागो। गोसोखो हमथानांगोन।

**कुम्भ:** जेरैबो जेंना गैथै सान्थियै नख 'र दालानो हागोन। फारफ्रोमथिबो मोजां।

**मीन:** खामानिखो मावनो गोनो-गोथो सान्नाय सोमजिनो हागो। सान्नायजोनो समखौ औरैनो थंगाहो।

# नरसिंह अबतारनि बाथ्रा

मंकर लाल बर'

गोदो गोदाय हिरन्य कशिपुर आरो हिरन्याक्ष मुनि सानै बिदा-फंबाय दंमोन। बिसोरनि बिफानि मुडा काश्यप मुनि आरो बिमानि मुडा दिति मोन। बिदा-फंबाय सानैबो जोबोर गोहो गोरा मोन। बिसोरनि इनाय-अनागारआव दुलाराइ बुहुमनि सुबुंफोरा दुखु-जालायाव गोग्लैनांदोंमोन। खेबसे हिरन्याक्षआ गावनि गोहो-बोलोजो बुहुमखौ महा प्रलयनि दैनि गेजेराव दोबै होबाय। अब्ला अबं ग'साइआ बराह (अमा)नि महर लाना हिरन्याक्षजो दावहा नानानै बिखो बुथारबाय आरो बुहुमखौ प्रलयनि दैनिक्राय रैखा खालामबाय। हिरन्याक्षखौ बुथारनायनि थाखाय बिदा हिरन्यकशिपुरआ रागा जोंबाय आरो अबं ग'साइ बिष्णुखौ सिथारनो थाखाय थांखि लाबाय। बियो अमर जानो थाखाय गोब्राब तप फालिबाय। बिन तपस्याखौ नुनानै ब्रह्माआ दलरै थानो हायाखैसै। बियो हिरन्यकशिपुरनि सिगाडव नुजाथिबाय आरो मा बोर नांगो होना सोंबाय। अब्ला बियो ब्रह्माखौ गुगुरुब खुलुमना बुंबाय-'आं अमर जानो लुबैयो। आं सान-हर, बाइदि बाइदि जन्थ-हाथियार, मोदाय-दानव, हा-दै, अर आरो अखां जेरावबो जेन'थैनो रोडै जायो। देरहासाद जानो हायो' ब्रह्मआ हिरन्य कशिपुरनि बाथ्राखौ खोनाना 'तथास्तु' बेनो जाथोसै होना गोमोर लांबाय।

दानिया आरो बिखौ सोर मोनबावो? गावनि गोहोजो सोर्गो, मैथो, पाताल जेरावबो गाबसाव होबाय। बिन बिसि कयाधुखौ इन्द्रआ खानानै लांन दानथारनो नाइगिरदोंमोन। नारद मुनिआ फैनायै कयाधुखौ रैखा खालामबाय आरो गावनि

खाथियाव लाखिबाय। मानोना बै समाव कयाधुआ गोबौयाव गथ'दंमोन। लोगोसे बियो नारद मुनि आरो बिन सोलोंसा फोरखौ सिबिनायमोन। हारिनि नाम-गुन थानाय जायगाआव थानायलाय बे गथ'आबो हरि-सिबिसुला जानायसै। कयाधुखौ इन्द्रआ खानाय समाव हिरन्यकशिपुरआ ध्यान खालामदोंमोन। बिसि कयाधुखौ रैखा खालामनाय उनाव बियो इन्द्रनि राज्योखोबो जै खालामदोंमोन आरो राज्योआव हरिनि नाम-गुन मख'नायखौ होबथादोंमोन। बबेखानि हरि-कीर्तन रोजाबग्रा फोरखौबो बियो साजा होनाय मोन।

हिरन्य कशिपुरनि फिसाज्जा प्रह्लादआ उन्दै समनिफ्रायनो अबंखौ सिबिग्रा दोहोरामसुला जाबाय। मोनसे समाव प्रह्लादखौ सोलोंथाय होनो थाखाय षण्डामर्क गुरुनि आखाइयाव गथायबाय। नाथाय अ,आ,क, ख फोरोंब्ला प्रह्लादआ बुडो-'अ माने अबं, क माने कृष्ण, कृपामय, करुनामर्यानि सागर।' प्रह्लादिनि बे बादि आखुयाव गुरुआ जोबोर गिबाय। आरो बिन बिफाआ मिथियोब्ला बिखौ रागा जोंगोन, गोब्राब साजा होगोन। नाथाय प्रह्लादआ एसेबो गिनो रोडा।

हिरन्यकशिपुरआ बे बाथ्राखौ खोनानै जोबोर रागा जोंबाय आरो हरिनि मुंखौ मख'नो हेंथा होबाय। नाथाय अबं ग'साइजो गोबौ बुंफबना थानाय प्रह्लादिनि गोसोखौ बिफानि खोथाआ सोलायहोनो हायाखैसै। प्रह्लादखौ बियो गोखौ साजा होनो हमबाय। गोजौ हाजोनिफ्राय गारहरबाय। हाग्रानि मैदेरनि आर्थि सिडाव गारहरबाय। जोंफुनाय अरनि सायाव गारसोमबाय। थैवबो प्रह्लादखौ जेबो ख'हा खालामनो हायाखैसै। हरि एबा अबं ग'साइआ जेरावबो जेरैबो सहाय आरो रैखा होबाय।

सुन्द'सल' खोरामखव नाजरी

## मा मुं दोननो

गोजां बोथोर। बुंनो थाडेब्ला पौष दानआ गेजेर नांबाय। हान्थुगिला मावलाय जासे बे दानाव गोजाडे। फुंनिफ्रायनो खुवा खुदो। गोजानायनि थाखाय रावबो एम राजाखौ नागारनो हायाखै। सम सम रोमै रोमै सोरनिबा माइ सौनाय खोनदो। जानो हागौ मोनबारु माहाजोननि नाब्ले, हाम्फे, सनाथि मोननि माइसौनाय। मोनबारु माहाजोननि नआ जौनि गामि बारबानो मोनो। फेरबा दैसायल 'फाराग। बे गामियाव माइ सौगा आगजु दंब्लाबो मोनबारुआ रुवाथिफोरखौसो सौनो थिनो। फुंआवनो सिखरानानै माइ सौआब्ला सान्ना लाखा दाव, अमा, बोरमाफ्रा दाय जाबाय। दिनैबो फुंआवनो माइ सौनाय खोनदो आं। थैवबो मानसिफ्रा सोरबा सिखरदों सोरबा सिखराखै। जायहा सिखरदों बिसेर गावबा गावनि मावनां खामानिखौ मावदों। आंबो सिखर थ'आखै। गोजानायनि थाखाय लेपसिडाव एब्रेसिनदोंआं। जिगाब खनानि सैमा ललिति फिसाफ्रा जानो हागौ आंनि उन्दुनायखौ फेलें खालामनो नाजाथाव बायदोंमोन।

बेसेबा गोबावनि उनाव आइआ आंनि दरखौ नक होबाय। अब्लासो थाल मोनबाय आं माब्लाबानो सोरांबाय। मोदोमखौ एसे सानेरला बायना आंनि आखायनि घड़ीखौ नायबाय आं माब्लाबानो गु (9) बाजिबाय। हाखु-दाखु सिखराना मोखां आंथि सुना दुगैथै लोबै ओंखाम जाखांन फारायसालि फारसे फैबाय आं। अब्लाबो सान सिखोलोलाया नुजानो हायाखै, मिथिंगानि समायना महरखौ दाबोनो समायनासिन खालामनो हायाखै। सहरनि बर' बाबुफोराथ' दाबोनो सिखराखै जानांगो। बायदि मैया

सान्नामै माब्लादि गोजौलायआ आंखौ उन्थिनिफ्राय गाबजि हरखो थालखौनो मोनस्लाबाखिसै आं।

“नै माथो गोजौलायसोलाय।” उन्थिं नायहरना बुंबाय आं। “माथो दिने सानानो नुजायासैलै”। गोजौलाया बुंफिनबाय।

जानोलै सा मेरुनि बरपफोरासो गोग्लैबाय नामा।” बिदि बुंनयायाव जों सानैबो मिनिलायो आरो फरायसालि फारसे आगान सुरो। बुंआब्लाबो बुंद्रायनाय जागोन। गोजौलाया आंनि उन्दैनिफ्रायनो लोगो। जेराव थाडे जों सानैजों नागार लाया। देवल फुजाफ्राव सिख्लाफोरखौ लाफानानै बेराय फानायखौ आरो जों सानैखौ मा बुंबावनो। जिखियानो जादिया जों थाबाथै थाबाथै जाइनारि दखान मोनबाय। गोजानायफोरा एसे दानगारो खोमा साननानै जों सानैबो गय खान्द्रिफा खान्द्रिफा खुगा सिडाव सोबाय। नाथाय मा मैया मैया बेलाय साखो मोदलानि मेगनासो गात्रि जाबाय। नामा। मेगनखौ गात्रि जाबाय सान्ना खेबसे हुप्लेबाय आं नाथाय मेगननि दाय गैया। बे बायदि एफाग्राब समाइना सिख्ला जिबनाव आं माब्लाबाबो नुफेराखैमोन। बिखा गोजौ, जान्जि सेरे, खानाय रुम्बां, मेगन बेरसां, खालाय फाउदुर आदैखौ दख'ना गाननायखाय नुजोबाखिसै। आदैया मा बायदि मोन आं बरनायनो रेंला। बेसर बिबारनि दख'ना आगर गोनां जोमग्रा आरो फैथा गोजौजों समाय फलेथारदों फाग्लियाखौ “माखौ सोखोमोखे”। गोजौलाया बुंबाय। अब्लासो दिंगोर मोददा मोददि मोनलाय लायनाय बागदाउबाय आं। नायबाय आं

हिरन्यकशिपुरआ रागाजों दलरै थानो हायाखैसै। बियो प्रह्लादखौ हरिआ बहा दं होनानै सोंबाय। अब्ला प्रह्लादआ बुंबायदि-हरिआ जेरावबो गोसारना दं। बिब्दि बुंनानै बियो खाथिनि अन्दर महलनि थंसे खुन्थियाखौ आसिजों खिन्थाहरबाय। प्रह्लादआ बे बादि बुंनानै अबं ग'साइखौ आर'ज गाबना बुंबायदि बिफानि गोरोत्थि सान्नायखौ जेन' बोझाना होयो। हिरन्य कशिपुरआ रागा जौना खुन्थियाखौ गदाजों बुग्लिनो हमबाय। खुन्थियाआ बायग्रबनानै मोनसे गिखंथाव सोदोब खालामना मोनसे मुसुखा ओंखारबाय। बेनो जादो अबंनि नरसिंह मुसुखा। खर'आ सिंहादि बादि आरो गाहाइनि मोदोमा मानसिनि बादि। मोनसे गोमोथाव महर। बे समावनो हिरन्यकशिपुरआ नरसिंहजों जुजिनो हमबाय। अब्ला नरसिंहआ गोलैथै हिरन्यकशिपुरखौ बाग्रायनानै फेन्दा सायाव दैखाना लाबाय आरो गावनि आसिगुरजों बिखा बोखावना फोथैबाय। बे बादिनो हिरन्यकशिपुरखौ बुथारबाय। बिखौ ब्रह्मानि बोर मोन्नाय बादिथै मानसि, मोदाय रावबो बुथारनो हानाय नडा हिसाबै खावसे मानसिनि आरो खावसे सिंहादि मोनसे गोमोथाव अबतार लादोंमोन। अस्त्र-हाथियारजों थैनाय नडा। हिसाबै आसिगुरजों बिखा बोखावना फोथैदोंमोन। हा-दै, अखां जेरावबो थैनाय नडा हिसाबै फेन्दा सायाव लानानै बुथारदोंमोन। सान, हर समाव थैनाय नडा हिसाबै मोनाबिलि समाव फोथैनो हादोंमोन।

प्रह्लादआ अबं ग'साइखौ आर'ज गाबनायावसो नरसिंहनि मुसुखाआ गोमोरना जायखार लांबाय। बेनो जादो अबंलावरिनि नरसिंह अबतारनि बाथ्रा। गमामा सिबिसुलाखौ प्रभुआ मदद खालामबाय।

बोसोर-दोहोरामसुलाफोरखौ इंसोरआ सहाय खालामो।

सिख्लाया जोंखौ नागारनानै माब्लाबानो बिसिबा गोजान सौहैबाय। बैसोखौ नायोब्ला सिख्लाया आंनि बेसेबा गुन देरसिन। जानो हागौ नैजिथामसो बोसोर जागोन। थैवब्लाबो आंनि गोसोआ मानो बेनि फारसेल' थादोंथाय। माब्लादि आं बेखौ आंनि बानायना लानो हागोन बेखौसो आसा आंहा।

“गोजौलाय मा सानखो”। आं बुंबाय “माखौ मा सोननो”। “नोजोंबो मा जाबावनोब्रा मेगन थानानैबो नुवा”। “मा जाला बायखो माखौ रोनावखो”। “आं रोनावखै नोंसोर रोनावबाय”। “मा जाखो बुंनोब्ला माबार बुं”। रागा जोद'नाय गारांजो बुंबाय बियो।

“बै सिगांनि सिख्लाखौसो थांखिना बुंदों आं”। “ए बैखौ” सिगांथिं आसि थुना बुडे। “औ हायोब्ला खालामना होदोब्रा आंनो”। “नाथाय बेथ'नौनिखुइ देरसिन”। “दानि जुगाव देरसिन दुइसिन खोथा गैलालै जाम्बा”। “जाबाय दे हायोब्ला खालामना होगोन आं”।


बे सिख्लाया जौनि लायरायनायखौ एसे खोनदों जानांगो। जायनि थाखाय जोंखौ उन्थिं नायहरदों। बे सिख्लाया जौनि झाइनारि फरायसालिनि गोरायुनि मावसालियाव हाबना थाहैबाय। आं गोसोजों गोसो सानबाय दिने आंनि साननाया जाफुंसिगोन। बे सिख्लानि मुडा दंखायोब्लाबो आं दोनगोन। औरैनोबा बे फरायासालिया सोर साबसे सिख्लाफोर गोदान मुं थिसनफैयो बिसोरनि मुंआ दंब्लाबो जों दोनफिन खायो। बेहुला अनजालि सोमस्रि हाजारखि मुं थाया मानो थैवब्लाबो आं दोनगोन। औरैबायदि मुं दोनगोन थैजासिमब्लाबो आं बावनानै थानाय नडा। जोंबो जौनि थाखो ख'थायाव हाबो आरो माबा माबि सावराय लायो।

बेसेबा गोबावनि उनाव बे सिख्लाया जौनि थाखो खथायाव हाबो। मेगननि फावजों आं आंनि जिरायग्रा जायगाखौ जिरायगौबा जिरायगौबा हगारना होयो। नाथाय मा बेलाय फोरोंगिरिफोर जिरायग्रा मासियावसो जिरायबाय आरो बुंबाय।

फरायसाफोर आं दिनो नोंसोरनि फरायसालियाव फोरोंनो फेनाय गोदान फोरोंगिरि। नोंसोरनि फरायसालियाव बिगियान आयदानि फोरोंगिरि गैया होनायखाय आं दिनै बिगियान आयदाखौ फोरोंनो होनानै फेदों। आंनि मुडा “रुपालि”। बेनि उनाव गावनि सिनायथिखौ खिन्था खानानै थाखोनि फरायसाफोरनि मुंखौ फारि फारियै सोडे। नै दाना आंनि फाला जाबाय। बाबां सिनैब्लाबो खिन्थाबाय आं मुंखौ। गोसोआव बेसेबा स'नानि दावदाब लानाया थेर बेथेर बायप्लेलांबाय। बे समाव गोजौलाया आंखौ नायना खे खे मिनिगासिनो दंमोन। गोसो जायोब्ला मुं दोननो मोनै फोरोंगिरि गैयाब्ला बिन गोजौनि हाथाया थायबेसे दे मोसोनि बायदि गैया खालामगोमोन आ। ए गोजौलाय गात्रि दामोनलै।

## भारतआव करना भाइरासनि जाहोनाव लकडाउनखौ फोसाव फिन्नाय जादों

गोदान दिल्ली, 22 नभेम्बर: भारतआव करना इन्फेक्सनआ बांफिन्दों। माखासै रिपटआवबो दाबि दैखंदोंदि, गुसु बोथोराव इन्फेक्सननि अन्जिमाया बांनो हागौ। माहारियारि राजथावनि दिल्लीयाव करना इन्फेक्सन जानाया बांबाय थादों। माखासे राइज्योफोरा गाव गावनि गिदिरि सहरफोराव नाइट कार्फिउ लागायनोबो फोसावदों। मध्य प्रदेशनि इन्द्र, गुजरातनि सुरात आरो राजकटआव 21 नभेम्बरनि हरनिफ्राय नाइट कार्फिउ लागायनाय जादों। इन्द्रआव सुबुंफोरा हरनि 10.00 रिगानिफ्राय लानानै फुंनि 6.00 रिं गासिम। नाइट कार्फिउनि समाव फेक्टरीआव हाबा मावग्रा लेबारफोर आरो गोनांथि सिबिथाय होनायाव थाफादेरनाय सुबुंफोरखौ रैहाय होनाय जादों। मख'नो



बाइजोआव ओंखारनो मोना। लोगोसेनो गुजरातनि मोननै सहरफोरव बेनि समाय सिमनाया हरनि 9.00 रिगानिफ्राय फुंनि 6.00 रिं गासिम। नाइट कार्फिउनि समाव फेक्टरीआव हाबा मावग्रा लेबारफोर आरो गोनांथि सिबिथाय होनायाव थाफादेरनाय सुबुंफोरखौ रैहाय होनाय जादों। मख'नो

गोनांदि, इन्द्रआव करनानि 546 गोदान पजिटिभ केस मोन्नाय जादों। बेजों लोगोसेनो इन्फेक्सननि गासै अन्जिमाया 37,662 जाबाय। गुजरातआव इन्फेक्सननि 1,515 गोदान केसखौ मोन्नाय जादों। बेजों लोगोसे बेवहाय करनानि गासै 1,95,917 केसखौ मोन्नाय जादों। बेवहाय 13,285 एक्टिभ केस मोन्नाय जादों। राजस्तान सरकारआ करना इन्फेक्सन बांनय दर 8 जिल्लानि गाहाय मावख'फोराव हराव कार्फिउ लागायनो थांखि लादों। बेजों लोगोसेनो राइज्योयारि जायगाफोराव मास्क गासैनि चुरिमानाखौ 500 रां खालामनाय जाबाय। राजथावनि जयपुरआव दारा 144 लागायनाय जादों। गिबि मन्थ्र अशक गहलतनि सामलायनायाव थांनाय शनिवार हराव मन्थ्र परिषदनि जथुमाव बे थांखिखौ लानाय जादों। जथुमाव गुसु आरो फोर्बोनि सिजननि जाहोनाव इन्फेक्सन बांनयखौ सामलायनो राहा लानायनि सायाव सावरायनाय जादों।

# कभिड-19 आ नैथि मुलुग दावहानि उनाव बयनिखुइबो देरसिन सेलेन्ज: नरेन्द्र मदि

गोदान दिल्ली, 22 नभेम्बर: गाहाय मन्थि नरेन्द्र मदिआ थांनय शनिबारखालि जी-20 सम्मिलनआव बुंदो-कभिड-19 इन्फेक्सनआ मुलुगानि सिगाखव नैथि मुलुग दावहानि उनाव बयनिखुइ देरसिन सेलेन्ज आरौ सुबुंथिनि जारिमिनआव मख'जाथाव आयदा। बेयो करनानि उनाव मुलुगआव दिन्थिफुनो हानाय, टेकिनक, रोगथि आरौ सरैखाथिखौ बिथा खालामनायनि सायाव मोनसे गोदान मुलुगयारि फारिलाइनि जौगाखानायनि सुबुरुन होदों। कभिड-19 नि उनाव मुलुगआव जायखि-जाया जायगानिफ्राय हाबाफारि मावनाया मोनसे गोदान सरासन्ना थासारि आरौ जी-20 खौ मोनसे डिजिटेल सेक्रेटारिएट बानायनोबो सुबुरुन



होदों। सौदि आरबनि शाह शालमानआ जी-20 सम्मिलनखौ जागायजेन्दों। बे बोसोराव करना भाइरास इन्फेक्सननि जाहोनाव हान्जानि सोद्रोमा हादरफोरनि गाहायफोरनि जथुम्माया डिजिटेल नेमखान्थियै जादों। भारतआ 2022 आव जी-20 नि सम्मिलनखौ सामलायगोन।

गाहाय मन्थि मदिआ टुइट खालामदों जी 20 नि दैदेनगिरिफोरजों गोथोयै सावरायलायनाय जादों। मुलुगानि बयनिखुइबो बांसिन रांखान्थि राहाफोरनि समानथियै नाजानाया रोखा महरै बे इन्फेक्सनजों जुजिनो हागोन। डिजिटेल सन्मि लनखौ खुंनयानि थाखाय सौदि आरबनो गहाम हामलायथि बाउहरो। मदिआ जी-20 सम्मिलनआव

मोनसे गोदान मुलुगयारि फारिलाइनि जौगाखानायनि सुबुरुन होदों, जेराव मोनब्रै आयदाफोरा। मख'जाथाव। बेफोर जादों दिन्थिफुनयानि गिदिर हान्जाखौ थियारि खालामनाय, समाजनि गासैबो थाखोसिम टेक्नलजीखौ सौहैहोनों हानायसिम रोखा खालामनाय, खुंथयानि नेमखान्थिआव रोगथिखौ लाबोनाय आरौ बुहुमखौ सरैखाथियै नोजोर होनाय। बेखौ बिथा खालामनायनि सायाव जी-20 आ मोनसे गोदान मुलुगखौ दिन्थिनो हागोन। रोगथि थायोब्ला खैफोदजों जुजिनो हायो। जों गासैबो सुबुंथिनि इयुननि सरैखाथिगिरि। मदिआ जी-20 नि गोहोम गोनं हाबाफारिनि थाखाय डिजिटेल सुबिदाफोरनि जौगाखानायनि थांखिजों भारतनि इनफर्मेशन टेक्नलजी इन्टेलिजेन्सखौबो फोरमायदों।

गोदान दिल्ली, 22 नभेम्बर: थांनय 5-6 बोसोरनि समाव बिजेपिआ माखासे रइज्योफोरगव गावसोरनि गोहोखौ दिन्थिफुनो हादों। नाथाय तामिलनाडुआ दासिमबो बिजेपिनि थाखाय जेंना गोनं जादों। तामिलनाडुनि द्रविड राजखान्थियाव बिजेपिआ हारसिडे एबा सोरनिबा हेफाजाब लानाने गसंथानो हायाखै। नाथाय पार्टिनि बिबानआ जायनाव दं, बियो दासिमबो जेन्नायखौ गनायना लायाखै। बेनि थाखायनो जानो गोनं बिधान सभा बिसायख'थियाव पार्टिआ हादतबाद आरौ हिन्दुत्वनि हेफाजाबजों राइज्योआव गावसोरनि गोहोखौ दिन्थिनो नाजागोन। अमित शाहआ तामिलनाडुखौ दावबायनायनि सिगांनो बिजेपिनि बिधानसभा बिसायख'थियाव थियारिफोर खालामनायखौ जागायजेनबाय। पार्टिआ माखासे थाखोयाव हाबाफारि मावदों दैदेनगिरिफोर,



बारग' दैदेनगिरिफोर आरौ समाजनि रंगौथि गोनं सुबुंफोरखौ पार्टियाव थिसन्ने अभियान सालायदों। फैनो गोनं

1 सप्ताहनि गेजेराव 150 सुबुंफोर पार्टियाव हाबनो हागौ। पार्टिआ रइज्योआव इनफर्मेशन टेक्नलजिनि गेजेरजों सरकारनि

हाबाफारि मावनायखौ सुबुंफोरनिसिम सौहैने थाखाय हा सा बाहागोनि थाखोआव हाबाफारि मावदों।

## आमेरिकाआव गिखंथाव थासारि, करनाजों 2.55 लाखनिखुइ बांसिन सुबुंफोर थैबाय



गोदान दिल्ली, 22 नभेम्बर: मुलुगयारि महामारि करना भाइरासजों गोब्राबै भुगिनानाय आमेरिकाया बेनि इनफेक्सनजों दासिमाव 2.55 लाखनिखुइ बांसिन सुबुंफोर थैबाय। आमेरिकाआव बे महामारिआ गिखंथाव महर लाबाय आरौ दासिमाव 1.20 कौटिनखुइ बांसिन सुबुंफोर बेजों इनफेक्सन जाखंबाय। आमेरिकानि जन हपकिन्स इजनिभासिडिनि बिगियान आरौ इजिनियारि मिरु (सिएएसएसइ) नि फारसेनिफ्राय फोसावनाय गोदान अन्जिमनि बाइदिल्ला आमेरिकाआव करनाजों थैनायफोरनि अन्जिमाआ 2,55,804 सिम सौहैबाय आरौ इनफेक्सननि अन्जिमाया 1,20,85,389 जाहैबाय। बेनि गेजेरजों आमेरिकानि निउयार्क, निउजासि आरौ केलिफोर्निया ओन्सोलाव करनाजों गात्रियै गोहोम खोखलैदों। अदेबानि हारसिडे निउयार्कआव करना इनफेक्सननि जाहोनाव सा 34,287 सुबुंफोर थैबाय। निउजासिआव दासिमाव सा 16,746 सुबुंफोर बे महामारिनि जाहोनाव थैबाय। बेरा फारसे केलिफोर्नियाआव 18,670, टेक्सासआव 20,903, फ्लोरिडायाव 17,930, मेसाचुसेट्सआव 10,488 आरौ पेन्सिल्वेनियाआव करनाजों सा 9,775 सुबुंफोर थैलांबाय।

## एम पि फोरनि गोदान न'खौ गाहाय मन्थिआ बेखेवगोन

गोदान दिल्ली, 22 नभेम्बर: हादरनि राजथावनि दिल्लीनि बिडि मार्गआव गंगा-यमुना सरस्वतीनि मुडै मोनथाम टावारखौ बानायदों, जेराव एमपिफोरनि गं 76 न'फोरखौ थियारि खालामनाय जादों। एमपिफोरनि बे गोदान न'खौ गाहाय मन्थि नरेन्द्र मदिनि गेजेरजों 23 नभेम्बरआव बेखेवनाय जागोन। बेनि सिगां गाहाय मन्थि मदिआ नर्थ एधेन्नुआव एमपिफोरनि थाखाय डुप्लेक्स न'खौ बेखेवनाय। एमपिफोरनि प्लेटआव 4 बेडरूमनि अनगायै अफिसखौ आलादा खालामनाय जादों। बेजों लोगोसेनो बिनि सानै स्टाफनि थाखाय आलादा स्टाफ क्वार्टर बानायनाय जादों। बेवहाय मोननै बेलकनी, मोननै हल आरौ गं 4 टयलेटबो दं। बेजों लोगोसे एमपिफोरनि न'आव फुजा होग्रा न'खौ आलादायै बानायनाय जादों। लकसभा स्पीकर अम बीरलाया



फोरमायदोंदि, 76 प्लेट बानायनो थाखाय 218 कौटि रं बाहायनाय जादों। नाथाय बेवहाय 30 कौटि रं खरसा खालामनाय जादों। बे गासैबो न'फोरा ग्रीन बिल्डिनि कनसेफ्टनि सायाव बिथा खालामनाय। गंफ्रोमबो टावारआव मोनब्रै लिफ्टखौ लागायनाय जादों। बेनि अनगायै फारनैथिबो सिरिफोरबो बानायनाय जादों। गंगा, यमुना, सरस्वती मुंजों थियारि जानाय

बे मोनथामबो टावारआरैखाथि महरै फुलपु.फ। गासैबो जायगाफोरारि सिंसिटिभि केमेराबो लागायनाय जादों। इयुननि रैखाथिनि राहाखौबो बानायनाय जादों, सिपिडबिलडिआ बेखौ बानायदों। गंफ्रोमबो टावारनि गोजोंआव सलार पेनेल लागायनाय जादों। गंफ्रोमबो टावारनि बेसमेन्ट आरौ ग्राउन्ड फ्लुरआव पार्किनि राहा खालामनाय जादों।

## एन सि बिआ भारती सिनि फिसाइ हर्ष लिम्बाचियाखौबो हमदों



मुम्बाइ, 22 नभेम्बर: फेस्ला फावगिरि भारती सिनि फिसाइ हर्ष लिम्बाचियाखौबो एन सि बिआ रबिबारखालि हमबाय। भारती सिनि फिसाइ हर्षनिआव एनसिबि जनेल अफिसआव हरसे सौथि सोंदों। मुम्बाइयाव भारती सिंखौ दिने एनडिएपिएस (एन डि पि एस)कर्टआव दिन्थिगोन। भारती सिंखौ गिबियाव मेडिकेलनि थाखाय लांनय जागोन, बेनि उनाव बिखौ थोंजोडै कर्टआव लांनय जागोन। मख'नो गोनानि, एनसिबिआ भारती सिंखौ शनिबारखालि जिम्मायाव लादोंमोन। एनसिबिआ भारतीनि न'आव खना-खनला सिगोमनाय समाव गान्जा मोन्दोंमोन। ड्रगस पेडलारनिफ्राय खौरां मोनयानि उनाव एनसिबिआ भारतीनि न'आव खना-खनला सिगोमदोंमोन। बलिउडनि फावखुंगुर सुशान्त सिं राजपुतनि थैनाय केसआव नायबिजिरनायाव ड्रगस एंगलखौ मोनयानि उननिफ्रायनो एनसिबिआ लान्थियै खना-खनला सिगोमगानिसनो दड। बलिउडनि माखासे स्टारफोरनाव सौथि सौंखांबाय आरौ आथिखालाव नायबिजिरनाया भारती सिं आरौ बिनि फिसाइ हर्ष लिम्बाचियानिसिम सौहैबाय। फोरमायनाय बादिल्ला, एनसिबिनि टीमआ थांनय से दानआव 4-5 गिदिर ड्रगस पेडलारफोरखौ हमबाय। बिसोर ड्रगस पेडलारफोरखौ अन्धेरी आरौ बान्द्रानि गेजेराव हमनो मोन्दों आरौ बिसोरनिफ्रायनो खौरां मोनयानि उनाव अर्जुन रामपालनावबो सौथि सोंदोंमोन।

## कंग्रेसआ रांखान्थि बेबस्थानि सायाव मदि सरकारखौ गोख्रों बाथा बुंगोन

गोदान दिल्ली, 22 नभेम्बर: रांखान्थि बेबस्थानि आयदानि सायाव कंग्रेसआ गोख्रों बाथाखौ बुंनो हागौ। कंग्रेस आफादगिरि सनिया गान्धीनि गेजेरजों रांखान्थि आयदानि सायाव पार्टिनि नेमखान्थिखौ रोखा खालानो थाखाय दाफुनाय समितिआ हादतनि रांखान्थिनि थासारिनि सायाव जिगा सिनायखौ फोरमायदों। पार्टिनि दैदेनगिरिआ बुंदों पार्टिआ बे आयदानि सायाव खौसेथिजों लोगोसे सरकारखौ बेखनगोन। थांनय शनिबारव बारग' गाहाय मन्थि मनमहन सिनि सामलायनायाव दाफुनाय रांखान्थि समितिनि गिबि जथुम जादों। बे जथुमआव रांखान्थि थासारिनि सायाव सावरायनायजों



लोगोसे गुबुन गुबुन आयदानि सायाव पार्टिनि हाबाफारि मावनां गोखौबो रोखा खालामगोन। कंग्रेस आफादगिरि सनिया गान्धीआ देहानि थाखाय गवायाव थांनयनि सिगां थांनय

शुक्रबारव बे रोखोमनि मोनथाम समितिफोरखौ दाफुदोंमोन। बे समितिआव गागि दैदेनगिरिफोर गुलाम नबि आजाद, आनन्द शर्मा आरौ शशि थरुसखौ सोद्रोमा बानायनाय जादों।

## दिल्लीयाव गुसु जानाया 17 बोसोरनि रेकर्ड सिफायदों

गोदान दिल्ली, 22 नभेम्बर: राजथावनि दिल्लीयाव थांनय माखासे सानफोराव आबहावा गुबुंले जानाया खम जादों। नाथाय दिल्लीयाव गोबं गुसु जानाया सुबुंफोरखौ जेंनायाव खोखलैनो हागौ। दिल्लीनि बिदुडा सानफा-एफा दाव खलाय लं दों। राजथावनिआव मिनिमाम बिदुडा थांनय 17 बोसोरनि रेकर्ड खौ सिफायदों। दिल्लीयाव दिनेनि मिनिमाम बिदुखौ 6.9 डिग्री सेल्सियास



रेकर्ड खालामनाय जादों। फुंनि 7.00 रिगासिमाव बिदुखौ 12 डिग्री सेल्सियास रेकर्ड खालामनाय जादोंमोन। बोथोर बिफाननि बादिल्ला, माहारियारि राजथावनिआव थांनय

शुक्रबारखालि मिनिमाम बिदुखौ 7.5 डिग्री सेल्सियास मोननाय जादोंमोन, जाय थांनय 14 बोसोराव बे दानआव बयनिखुइबो खमसिन जादों।

### OFFICE OF THE DIRECTOR, PHED, BTC, KOKRAJHAR

#### SHORT NOTICE INVITING TENDER NO. 6 of 2020-21

Sealed tender in prescribe form eventually to be drawn in APWD F-2 Form affixing non-refundable court fee stamp worth Rs. 8.25 (Rupees eight and paise twenty five) only for the following group is hereby invited from the reputed contractors/Firms/Registered contractors under Public Health Engineering Department (Class-I, A/B/C)/Other Engineering Department, Govt. of Assam. The Tender will be received by the undersigned in this office at Kokrajhar up to 2.00 P.M. of 23.11.2020 and will be opened on the same date and place at 2.30 P.M. In case the opening bay becomes a holiday, the tender will be opened on the next working day. The Tenderers or their authorized agent may remain present at the time of opening Tender.

Detail Notice Inviting Tender, specification etc. for the work may be had from the office of the undersigned during any working days up to 2.00 P.M. of 21.11.2020. The rate must be quoted in both words and figure. Separate scaled Tender must be given for each group. The undersigned reserve the right to accept or reject any or all tenders and he does not bind himself to accept the lowest rate.

Name of work, programme & Division	Gr. No.	Name of Work	Estd. Amount	Time of Completion
Construction of Dunder Baksa (PHE) Division, Musabur under NRDPWP, 2012-13 (JIM compliance)	1	Construction of Raw cum Clear water Pump House over UGR/Construction of Clear water sump cum reservoir of capacity 80,000 lits size- (6,00m X 6,00m X 3,02m) (Rs. 1,99,193.00 + 8,38,267.00) at Simlaguri PWSS under NRDPWP 2012-13.	Rs.10,37,460.00	60 days
	2	Construction of RCC Rapid Sand Filter (Treatment Plant) of bed area 4.00 sqm at Simlaguri	Rs.3,86,562.00	30 days 1
	3	Construction of RCC water Treatment Plant (Rapid Gravity) at Jakhelbilar Pathar PWSS of capacity 4.00 sqm of Size (1.60 M X 1.25 M X 2.00)	Rs.4,41,205.00	30 days 1
	4	Construction of Water Sump cum Service reservoir at Jakhelbilar Pathar PWSS Capacity 70 000 lits (Size - 7.00 M X 3.35 M X 3.00M)	Rs.7,89,659.00	45 days

Sd/-  
Addl. Chief Engineer (PHE) cum Director, PHED, BTC, Kokrajhar.

Memo No. DIR/PHED/KOR/TC-43 (Pt-II)/2020-21/1623-27 Dt.12/11/20

### BODOLAND PUBLIC SCHOOL (BPS)

An English Medium School Followed to CBSE Curriculum Under the aegis of BIR Society (Bodoland Institutional & Research Society) No.2 Gossaigaon :: Kokrajhar, BTAD:: Assam-783360  
E-mail: [bpsgossaigaon@gmail.com](mailto:bpsgossaigaon@gmail.com) / [btadssc2@gmail.com](mailto:btadssc2@gmail.com)  
Contact details: +91 86381 45816 / +91 9435791583

Advertisement No: BPS/04/Adv-2020/001 Dated: 23/11/2020

#### VACANCY

Sl. No.	Vacancy post	Number of post	Minimum Qualification
1	Train Graduate Teacher (TGT)	04	Graduate with B.Ed./D.El.Ed
2	Physical Education	01	Graduate in physical Education
3	Music Teacher	01	Degree in education, specializing in music or performing arts
4	Counselor/Special Education	01	Graduate/Post Graduate in Psychology

Interested candidates with fluent command over English are requested to apply in plain application with CV, and recent PP size Photo in the above address.  
Last date of application submission: 30<sup>th</sup> November, 2020  
Shortlisted candidates will be informed over call/SMS/email for interview.  
Salary: Negotiable for deserving candidates.  
Desirable qualification: Having experience in the relevant field.  
The management has reserves the right to call only the deserving candidates for the interview and not to fill up the vacancy if suitable candidates are not found.

Sd/-  
Managing Director (MD)  
BPS, Gossaigaon

# फिनलेन्डआ मुलुगनि गोजोनसिन हादत

गोदान दिल्ली, 22नभेम्बर: इउएननि हेम्पि इन्डेक्सआव फिनलेन्डया नम्बर 1 आव दं। जेराव भारतआ 122 थि नम्बरनिफ्राय 133 थि नम्बरवा सौफैबाय। भारतनिफ्राय गोजोनसिनयै थानाय फेसयाव निखावरि हादत पाकिस्तान, नेपाल, बांग्लादेश आरो



भुटानआबो आवगायसिन्नाय। साभेनि रिपर्टनि बादिब्ला जाय आयदाखो लानानै साभे खालामनाय जादौं बेवहाय फिनलेन्डआ गर्सनो हादौं।

2015 याव बेवहाय मार्डार रेटआ 1 लाख सुबुनि सायाव 1.28 जौखोन्दो। बेवहायनि गासै सुबु अन्जिमाया 55



लाख। 2015 याव बेवहाय सा 50 सुबुफोरखौ बुथारनाय जादौं। नाथाय बांद्राय क्राइम खालामनाय जाथाया जायाखौ। पुलिसआ फोथाय जाथाव आरो गोहो गोनां। पुलिस आरो इन्टरनेटनि रेखाथिया मुलुगनि नैथि नम्बरव दं। आयेनखौ गोखोडे फालिनाय जायो। गेना खान्थिनि जाथायाबो खम जायो। समाजआबो



## राम-रावननि दावहायाव

सति सितारखौ सेलायनाय  
राम-रावननि दावहा जानायाव  
जोलैनि हांगार रावननि फंबाय बिबिसन  
हनुमान, सुग्रीफ, अंगद मोन बायदि  
गोहो गोरा गोबां नर-बानर  
दंफायो मोनब्लाबो राम-रावननि  
आल्लादिन सिरागनि गोहोमाव  
फंबाय कुम्बकर्ण, बिनानाव सरबनखा मोननि  
माया जाल बाहायना दावहा नांनायाव  
आरो फिसाज्जा मेगनातनि  
राम-लक्षनखौ जिबौ बान गावना फानफ्रब होनायाव,  
सहायो थावरिनो हायाखिसै  
राम-लक्षना गरुल दावखौ  
गाबत्रिब्लाबो हांखायब्लाबो मोनस्लाबैयाव  
जेन्नांमारबाय दावहायाव रावनजौं राम-लक्षना  
हामारबाय रैखा खालामनो रावन राजाया  
राक्षस हारिनि मान-मर्जादाखौ।  
सति सितारखौ रावननो गथायना  
थाहैबावनांबायसो राम लक्षना  
बा बोसोरनि थाखाय आरोबाव  
हाग्रामा गुदुनि बनोबासाव।

-दि रावन।



जौगाखानाय। रांखान्थिनि बेबस्थायाबो गोबां गोखौं। फिनलेन्डनि बेंकखौ मुलुगनि गोखौंसिन मानिनानै लानाय जायो आरो जिडिपिया गोबां खम। बेयो मुलुगनि दरसेल हादत जेराव रावनाबो न' गैये



गैया। हेम्पि इन्डेक्सयाव गुबुन हादतनि सुबुफोरनि गोजोन्यायनि मान्दान्दाखौबो लानाय जादौं। बेवहायबो फिनलेन्डआ बयनिखुडुबो गोजौसिनयाव दं। 2015 नि उनाव बेवहाय माखासे हादतफोरनि रिफुजिफोरस सौहैदौं। बिसोर गासिबो गोजोनयैनो दं। 55 लाख



सुबुफोर थानाय बे हादतयाव रिफुजिफोरनि अनजिमाया 3 लाख दं। रिफुजिफोरनि खम बेसेनयाव न' बाह्यखौ होनाय जायो। बेवहायनि सुबुफोरा उदां थासारियाव थायो आरो बिसायख थियावबो गेना खान्थि जाया। □

## आं नेनानै थागोन

फोथाय दौमोन आं स'ना-  
नोंनि गोदौ रावजौं गले-गले  
जासिनाय अन्याय मोजां मोन्नाय रावखौ  
सानाखैमोन आं नोंनि गोसोखौ  
एसेबां हागावसिलाजौं बुंफबनाय होन्नानै  
नोंनि मोजां मोन्नायादि सोलिनाय दंमोन  
आं एसेबो हम्मस' हायाखैमोन।  
एसेबां लुबैसुला एसेबां अन्थाय बिखा नों- ?  
नाथाय आंनि नोंखौ मोजां मोन्नाया.....  
भावथिना नडमोन सना-  
आंनि नोंखौ मोजां मोन्नाया,  
फेंफोना नड सना- आंनि गोसोया।  
नोंनो गिबि नोंनो जोबथा,  
आंनि थोखिया बे मुलुग संसाराव।  
मा नंनानै होग्रोयामोन नों-  
गोर्बो उंसिफबनाय अन्याय मोजां मोन्नाय;  
मा सान्नानै स'ना लांफिनखो नों-  
आंनि गोसोनिफ्राय खासि बिस्त्रियै-  
नों मुगैब्लाबो मावरिया होन्नानै  
आं नेनानै थागोन बै जोनोमसिम।  
नों नेवसिब्लाबो ग'रिब होन्नानै  
आं मोजां मोनबाय थागोन नोंखौ;  
आंनि मोजां मोन्नायनि दैमुया-  
बोहैबाय थागोन अरायसम नोंनिमिसि  
सिरियै हारसिडे जिरि जिरि!!

मिच सुखुसि बसुमतारी,  
गामि-तक तारा। ला:सो:- रन्धायधाम  
जिला- चिरां बि टि सि आसाम।

# रंजालि गथ' फोरनि सौरा

## जखायसे लिमारिक

1  
बर'आ गुन्दै बायना लाबोबाय, दैयाथ दंखायोयानो  
मोन्थाय दड गुन्दैजौं लोगोसे दैखौ लगायनो  
सरकार होयो सुबिधा, नांगौनि बारा गुबुनखौनो  
आदारबो होयो, नावद्राबो बुजागारोसो मानो ?  
बिनिखायनो आं सानो हाबाब ! बर' सरकार सांग्रां-सांग्रां।  
2  
बि टि सि राज्योआव गला होयो आदा अनसुलाया  
दुखु नांथावसो जायो बर' हारिया  
आंगो हारिनि गलादारखौनो रावबो सिनाया  
सिख्लाफोर ! बर'नि सोलाय हारसा हौवाखौथ' लाजिखाया  
रामा जौंयोलै आं.....बर' जिर' सिख्ला थेमफोरखौ बाथाय।  
3  
दिनै केरेला राज्योयाव अलसियायनि बन्द  
लेखा गोरोखौ बुडे बिसोरनाव गियायनि दन्द  
नाथाय बि टि सि याव जादौं उन्दुनायनि बन्द  
सोरानायनि जादौंसो बिसोरहा रामाजौनो लान्द खान्द  
अलसिया दाजाखालै सोलोथाय गैयाब्ला रसा नांगोनबो।  
4  
दानि जुगनि बर' सिख्लाफोर  
हाबा हुखायावथ' गोखामखासै बिसोर  
सेंग्रा बाइक आवला नुयोब्ला हयले  
खुगा, मेगनफोराबो गाहाय गोजौ जाखायोलै  
महाराव गैयाब्लाबो रावफ्रानो बोसनथारो नालायन्ना दारमासिनि-।

श्री खोरोमदाव बसुमतारी  
इउ एन एकाडेमि रामफलबिल  
बयस हस्तेल।

## जैथो वेन्दौ

दुखुजौं सागलोब जानाय बे संसाराव,  
थायो मानो हालाय-हाफाय  
मिथि मानो मालायनि संसार।  
नाजायो गावनिनल' मोजां खालामनो।  
मानसिया सानो इसोरानो खालामदौं बिदि  
नड नाथाय गावनि सायावसो,  
सानसे मावनानै मोनो थोजासे गं।  
सानो सोरबा जिउ गोनां आदुवा,  
बेजौंनो मोनजासिगोन ब्रै सान।  
जानो हाला माब्लाबाबो बे सोदोब।  
जिउवा बेसेबां गोबाव हाबाया नोंनि-  
जोवनानै थाड जेब्लायबो।  
दुखुखौ लानांगौ सिगां नोडे,  
उनावसो मोनगोन नोंनि सुखु।  
नडब्ला जानो हाया नों मानसि  
मिथि रोडै दुखु लामानि  
अनथायसो जानांगोन नोडे संसारनि  
मिथिस' हायै बुब्लिआव।

मुसि सानजारं गयारी  
बरा लावगाव गोजौ फरायसालि  
थाखो- जि ( 10 ), ला:सो:- बागरगाव  
जिल्ला- चिरां बि टि सि आसाम।

## जोनेम साननि समायखिरा

गोदान बेसोनि गोदान थांखि  
गोदान थांखिजौं गोदान आगान,  
सुरनाय आगानआ अराय थदनाय नड  
सौंसि लांगोन जेना जेंसिनि गेजेरजौब्लाबो।  
गोरबोआव गोबां मिजिं थोखिनि  
फैसालिआव सानख' हायै गोदान रादाव,  
जाय रादाबआ हारिनि जावरिखानायनि  
मोनसे गोथां थुलुगा।  
जाय थुलुगाआ हारिनि थैस' थांसनि  
जाय थुलुगाआ लोबोगोन  
हारिनि गोदान गोदान बुब्लि।  
बर' रावनि 'बड'सा मुडे,  
दिनैनि अकटआव आंनि जोनोम,  
दिनैनि सानाव आं- लागोन थांखि,  
दिनैनि सानाव होयो समाय-खिरा,  
सानफ्रोमबो सुबुफोरजौं नुजाथिगोन  
फैसालियाव लानानै गोदान गोदान रादाव।  
जाय रादाबआ हारिनि देरहासादनि,  
हारिनि खैसेनि गोदौ दंखो रोजाबनाय,  
जाय दंखोआ जै बर'हारिनि जै।

दैयालु मुसाहारी

## समायना फागुननि रादाव

मान्दार बारसबाय, फलास बारसबाय  
बारसबाय गुरै बिबार सोमलि  
फागुननि बारा लाबोफिनबाय रादाव  
बयनिबो गोसोआ बोदोर बावलि  
सफै लाइबाय अराय गोथां रंजालि  
बैसागु बैसागु बैसागु।।

## हरखाबै गोसोआव मोनदानाय

मोज्लायनाइ जानजिआव खानाय खबायआव  
बाज्लबाय थानाय ना खावयै, खांखिला बाइदियै  
नोंनि गोदौ जोमन  
फोथारनि दैआव सानसिबाय थानाय हांसो जोआ  
दैजौं सिनाइ गांआ फिरिब्लानो  
दफथाइ हायै जायो मानो  
नेम गैयै आंनि निजोम गोसोआ।

राजु कुमार बसुमतारी।

## सिखारदो

सिखार सिखारदो नोंसोर बर'फिसाफोर  
आरोबाव मानो उन्दुबावखो नोंसोर गोदो गोदो  
सिखारना नायहर नोंसोर बयखौबो उन्दै गेदेर  
बे बुहुमनि गासैबो सिरि मोनजोबबाय।  
दिनै एसे गासैबो एसे हारिनि हाबा मावलाडब्ला  
गादबना दोनजागोन नासयना दोनजागोन  
गोजोननि लामा गोथे जोबगोन इयुनाव  
रुंगु गैयै लैथोआव दिड जावनांगोन।  
सुखु दुखु मोनैखौबो जोबजना ला  
खनसेयैनो गराय मैदेर गाखोनो दासान  
सैनांगोन नोंसोर सुखुजौं लोगोसे दुखुखौबो  
दालासै नोंसोर जोबजना दान्दिसे सुखुखौल'।  
दामनाय देनाय- खाम, जथा, सिफुं  
लिरनाय फरायनाय- हांखो, राव  
गान्नाय जोमनाय- आर'नाइ, दख'ना, गामसा  
दंनाय मानि गासैबो बर' हारिमुनिखा।  
बेखायनो सिन्था खालाम खालाम  
उन्दुना दाथासै नोंसोर बर' फिसाफोर  
सिखारदो नोंसोर हारिखौ फोजौनो  
आंखाल गैया जौनि बर' हारिमुआ  
गोखैनो जौगागोन जौनि बर' हारि  
सिखार सिखारदो नोंसोर बर' फिसाफोर।

श्री- मतिलाल बसुमतारी  
गामि- ब्रह्मपुर

□ 1 बिलाइनिफ्राय

## काजिरङयाव दावबायारिफोरनि अन्जिमाआ बांदौं

जाहोनाव माखासे दानसिम बन्द' जानानै थानायनि उनाव थानाय  
21 अक्टबरखालि फिन पार्कनि दरखंखौ खुलिफिन्नाय जायो।  
काजिरङ नेसनेल पार्कनि गाहाय हाबग्रा दरखंखौ दावबायारिफोरनि  
थाखाय खुलिफिन्नायनि उनाव दासान्दि लासै-लासै  
दावबायारिफोरनि अन्जिमाया बारायनो हम्फिन्दौं। दिनै काजिरङ  
नेसनेल पार्कनि सामलायगिरि पि. सिब कुमरआ मिथिहोनाय  
बायदिब्ला थानाय 30 सानाव सा 11,968 दावबायारिफोर काजिरङ  
नेसनेल पार्कआव सफैदौं आरो बेनि गेजेराव सा 27 दावबायारिआ  
गुबुन हादतनि सुबुमोन। नेसनेल पार्कखौ खुलिफिन्नाया दान  
मोनसे जानायनि उनाव दिनै पार्कनि सामलायगिरिया  
फोरमायनाय बायदिब्ला जिब आरो एलिपेट सापारिखौबो  
जागायजेनिफिन्नाय जाबाय। थानाय 30 साननि गेजेराव पार्कआव  
सफैनाय एबा दावबायफैनाय सुबुफोरनिफ्राय गासै 20 लाख  
रंखौ मोन्नो हादौं। थानाय एप्रिल, मे दानाव लकडाउननि  
जाहोनाव काजिरङ नेसनेल पार्कआ रां काजोनखौ बोखानो  
हायाखैब्लाबो नाथाय दासान्दि लासै-लासै रंखाथि बुधुमनो  
हादौं। अदेबानि बे समाव दावबायारिफोरनि दावबायफैनाय  
अन्जिमाया बारायनो हम्नाया मोनसे गोजोन्थाव बाथा  
जादौंमोनब्लाबो थानाय बोसोरनि रुजुनायाव रंखाथि मोन्नो हानाया  
जेबो गोजोन्थाव नड। फौगो समाव काजिरङ नेसनेल पार्कसिम  
दावबायारिफोरनि सफैनाया बांसिनि जागोनखौ मिजिथिदौं □



## राजखुंग्रि हाया बिनत हुसेइनआ गावनि बडिगार्डजों सोमोन्दो दडमोन

लन्डन, 22 नभेम्बर: जर्डननि राजखुंग्रि आरो उनाव दुबाइनि शासक शेखनि 4 थि बिस हाया बिनत हुसेइनआ गावनि बडिगार्डजों सोमोन्दो आव दडमोन। सुलुंनि बादब्ला, राजखुंग्रि हायाआ बडिगार्डजों गावनि सोमोन्दोखौ लाखोमानो थाखाय कौटि-कौटि रां खरसा खालामदों, नाथाय बे बाथ्राखौ दोनखोमानो हायाखौ आरो बिनो फोरमायालासेनो दुबाइनि खुंग्रि शोख महम्मद बिन राशिद अल मकतुमआ बिखौ फाथैलाइ बिसदोंमोन।



जादोंदि, बिसोरनि सोमोन्दोआ 2016 आव जागा यदोंमोन आरो बै समनफ्रायनो बि बडिगार्डआ राजखुंग्रि हायानि थाखाय हाबा मावबोबाय

थादों। रिपर्टनि बादब्ला, 46 बोसोर बैसोन राजखुंग्रि हाया आरो ब्रिटेननि 37 बोसोर बैसोनि बडिगार्ड रसेल फलवारजों बिन सोमोन्दोआ 2 बोसोरसिम सोलितों। बेखौबो बुंनय जादोंदि, राजखुंग्रि हायाआ सा 3 गुबुन

बडिगार्डफोरखौबो रसेलजों लोगोसे गावनि सोमोन्दोआव सिरियै थानो थाखाय कौटि-कौटि रां होदोंमोन। राजखुंग्रि हायाआ गावनि बडिगार्डनो गोबां बेसेन गोसा अन्थोब होयोमोन, जेराव 12 लाखनि घड्डी आरो 50 लाखनि

हाथियार बायदि मुवा-बेसादआ दंफायोमोन। आथिखालाव दुबाइनि शासकआ राजखुंग्रि हायानो फोरमायालासे सरनिया कानुननि गेजेरजों फेब्रुवारी 2019 आव बिखौ फाथैलाइ बिसदोंमोन। राजखुंग्रि हायाआ 2018 आव दुबाइखौ नागारदों आरो माखासे बोसोरनिफ्राय ब्रिटेनआव थादों। फिसाफोरनि कास्टुडीखौ लानानै राजखुंग्रि हायाआ ब्रिटेननि बिजिरसालिआव के स थिसन्दोंमोन आरो हायाखौ होनानै थांखिखौ लादों। राजखुंग्रि हायाआ दुबाइनि खुंग्रि शोख महम्मद बिन राशिद अल मकतुमनि 4 थि आरो बयनिखुइबो खम बैसोनि बिसिमोन।

## गाहाम देहानि राहा

### लिरथाइ बाडाइ खालामनो एबा बिखाखौ गाहामै लाखिनो थाखाय सानफ्रोमबो नालेंखरनि बिदै लोंनांगौ

नालेंखर बिदै लोंनो बयबो गोथाव मोनो, नाथाय नालेंखर बिदैनि मुलाम्फानि सोमोन्दै गोबाडनो जेबो मिबथिया। नालेंखर बिदैयाव देहानि थाखाय मुलाम्फा गोनं माखासे रोखोमनि भिटाडिन, मिनारेल्स आरो इक्वलाइट थायो। बेनि अनगायैबो बेयाव केलरी आरो फेटखौबो बाडायै मोनो।



(1) नालेंखर बिदैआ लिभारनि थाखाय जोबोद मुलाम्फा गोनं। बबेखानि बेयाव एन्टि-अक्सिडेंट गुण थायो, जाय लिभारआव थानाय माखासे रोखोमनि बिष गोनं मुवा-बेसादनि एकटिभटीखौ बाडाइ खालामो। नालेंखर बिदैआ लिभारखौ गाहामै लाखिनायाव मदद खालामो।

(2) हाइ ब्लाड प्रेसारआव नालेंखर बिदै लोंनाया मुलाम्फा गोनं होनानै गनायना लानाय जादों। माखासे बोसोर सिगां वेस्ट इन्डिजनि मेडिकेल जार्नेलआव मोनसे आन्जाद नायनायनि रिपर्टनि

बादब्ला, नालेंखर बिदैआ हाइ बिपिखौ कन्ट्रलआव लाखिनायाव मदद खालामो।

(3) नालेंखर बिदैआ बिखानि बेरामनि खैफोदखौबो बाडाइ खालामो। अदेबानि, बे गाज्जि कलेस्ट्रलखौ बाडाइ खालामो आरो मोजं कलेस्ट्रलनि थाखाय बारायहोनायाव मदद खालामो। बेखौ लोंनाया हाइपरटेन्सन आरो स्ट्रुकिनि खैफोदखौ बाडाइ खालामनायाव मदद खालामो।

(4) नालेंखर बिदैखौ लिरथाइ बाडाइ खालामनो थाखायबो लोंनाय जायो। अदेबानि बेजों दोगोन जानायावबो गोलेँ जायो। बेयाव माखासे रोखोमनि

एरैबादि गुण मोन्नाय जायो, जाय लिरथाय आरो गुफुं देहाखौ बाडाइ खालामनायाव मदद होयो।

(5) बेखौ सानफ्रोमबो लोडोब्ला नोंथांनि थाखाय मुलाम्फा गोनं जानो हागौ। फुडाव उदै खालियाव बेखौ लोडोब्ला बांसिन मुलाम्फा गोनं जायो। बेयो फुंनि समाव देहानि लोरबां मोन्नायखौ जानगार खालामनानै गोदान गोहो मोनहोयो, जायजों नोंथाड गावखौनो सानसे गोखों महरे मोन्दांगोन। (ना:गो: जायखि-जाया राहाखौ आजावनानै लानायनि सिगां डाक्टरनि बोसोन लाग्रो)।

## शाहरुख खाननि फिसाजो सुहानाया फेन्सफोरनो उइकेन्डनि अन्थोब होदों

गोदान दिल्ली, 22 नभेम्बर: बलिउड फावखुंग्रि शाहरुख खाननि फिसाजो सुहाना खाननि आयनायाव लानाय सेल्फिआ ससेल मिडियाआव भाइरेल जादों। बे सावगारिखौ बियो गावनि इनस्टाग्राम स्टरीआव शेयार खालामदों। सावगारिआव सुहानाखौ केजुएल ड्रेसआव गोबां स्मार्ट नुनो मोन्दों। बलिउडनि मुंदांखा स्टा र डटर्सफोरनि गेजेराव सासे सुहाना खानआ थारैनो दासिमबो बलिउडआव डेब्यु खालामाखै, नाथाय ससेल मिडियाआव बिहा गोबां फेनफोर दड। बे जाहोननि थाखायनो सुहानानि सावगारिफोर आरो भिडिअफोरा माखासे समनि उनावनो इन्टरनेटआव भाइरेल जायो।

सुहानाया सावगारिफोर आरो भिडिअफोरखौ पस्ट खालामनायजों लोगोसेनो ससेल मिडियाआव माखासे आयदाफोरार गावनि बिबुंथिखौ गुवारै फोरमायखांबाय। बे आयदायानो जादों गावनि गोसोजों सोमोन्दो गोनं, जाय बिगुरनि



गावखौ लानानै फारागथि दिन्थिलायनाय। बावैसो समाव सुहानाया बे केसआव गावनि बिबुंथिखौ होनानै मोनसे गोलाव पस्ट लिरदोंमोन। बियो लिरदों, आथिखालाव गोबां थासारिआ सोलिगासिनो दड आरो बेयो बै आयदाफोरनि गेजेराव मोनसे, जायखौ जों मोजं खालामनांगौआ गोनंथार। बेयो आंनि थाखायल' नडा, बेयो बै लाइमोन आइजो एबा लाइमोन होवाफोरनि थाखायबो, जायफोरा जेबो जाहोन गैयालासे हिंसायारि फारागथि दिन्थिनायजों भुगिनादों। मख'नो गोनांदि, सुहानाया आथिखालआव निउयक इडनिभासिटिनि फरायसुलि। बियो सावथुन स्टुडिअफोर आरो ड्रामानि सोलौंथाय लागसिनो दड। बेनि अनगायैबो बिखौ सुंद' सावथुन दा ग्रे पार्ट अफ ब्युआवबो नुनो मोनखांबाय।

## टिभि इन्डास्ट्रीखौ नागारखांनाय साना खानआ मौलानाजों जुलि जाबाय

गोदान दिल्ली, 22 नभेम्बर: जय हो सावथुननि मुंदांखा फावखुंग्रि आरो बिग बस-6 नि बादायारि साना खानआ थानाय दानआव गावनि ससेल मिडिया पेजआव एन्टरटेनमेन्ट इन्डास्ट्रीखौ नागारनोसै होनानै साफ्रोमखौबो गोमो होदोंमोन। बै समाव बियो धोरामनि बाथ्रा बुंगानै एन्टरटेनमेन्ट इन्डास्ट्रीखौ नागारनो थांखि लादोंमोन। से दानआ बारनाय लोगो लोगोनो बियो आरोबाव मोनसे एरैबादि खौरांखौ खोनाहोबावदोंदि, जायखौ फेन्सफोरा आरोबाव गोमोबावदों। मख'नो गोनांदि, इन्डास्ट्रीखौ नागारनो गोनं साना खानआ बावैसो समाव मौलाना मुफ्ती अनसजों जुलि जाबाय। बिनि जुलिनि भिडिअफोरा ससेल मिडियाआव भाइरेल



जागासिनो दड। बियो गुजरटनि सुरतआव मुफ्ती अनसजों जुलि जादों। भाइरेल जानाय भिडिअआव साना खानखौ हिजाबजों लोगोसे गुफुर गाबनि एम्ब्रइडरी ड्रेस गानाय नुनो मोन्दोंब्ला मुफ्ती अनसखौबो गुफुर गाबनि शेरबानी गानाय नुनो मोन्दों। फेन्सफोरा मुफ्ती आरो अनसखौ गाहाम हामलायथि बाउहरनायजों लोगोसे

## गुसु बोथोराव ड्राइ स्कीननि जेंना जायोब्ला बिटपुट कल्ड क्रीम फुन्नो हागोन

गोदान दिल्ली, 22 नभेम्बर: गुसु बोथोराव स्कीनआ गोबां ड्राइ जायो। गुसु बारआ स्कीननिफ्राय मइशुराइजआ जानगार जायो, बेबादियाव जेसेबां कल्ड क्रीम बाहाया मानो बेयो बाडायैसो जायो। कल्ड क्रीमआव केमिकेल आरो आर्टिफिसिएल फ्रेग्रेंसखौ बाहायनाय जायो, जाय बाडाइ मुलाम्फा आरो गोबां खहा खालामो। बेनिखायनो बे



लाइमोन खालामो। बेखौ बाहायोब्ला स्कीनआ मोजाडै मइशुराइज जानायजों लोगोसे हुइजु-हुइजा जानाय, दागो, हाख'र-हाला आरो पिम्पल्स बायदि जेंनाफोरनिफ्राय रैखा मोनो। बिब्बिब्ला, फे बिटस्टनि क्रीमखौ माबोरै बानायो बेनि सोमोन्दै मिबथिनानै लानि-

बयनिखुइबो सिगां बिटखौ ग्रीन्डरआव होनानै बनि जुस दिहूनानै ला। बेनि उनाव गंसे आइजेडव सामुचनै एलभेरा जेल, बादामनि थाव आरो भिटाडिन इ-केपसुल होनानै बेखौ बै समसिम लगाय जेब्लासिम बेनि टेक्सरआ गुफुर जायो। बेनि उनाव बेयाव 4-5 सामुच बिटनि जुसखौ होनानै मोजाडै गलाय।

जुदि क्रीमखौ नोंथाड बारा गोजाद्राय मोनोब्ला बेयाव आरोबाव एसे एलभेरा जेल होबावनानै गलायनो हागोन। दानिया बेखौ बबेबा फिसा एयारटाइड कन्टेनरआव सोनानै दोन आरो बेखौ नोंथाड फ्रीजआव दोनानै 15 सानसिम बाहायनो हागोन। बेखौ नोंथाड सान आरो हर मोननैबो समावनो खालामनो हागोन। बेखौ बाइजोआव ऑंखारनायनि सिगां आखाइयाव एसे लानानै मोखाडाव फुननांगौ। बेजों नोंथानि मोखाडाव गुलापी गाव ऑंखारगोन। बेजों लोगोसे हराव उन्दुनायनि सिगां बे क्रीमखौ लगायोब्ला फुडाव नोंथानि मोखाखौ जौनाय नुगोन।

## जायरा वासिमआ गावनि सावगारिफोरखौ बोखारनानै होनो फेन्सफोरखौ खावलायदों

गोदान दिल्ली, 22 नभेम्बर: जायरा वासिमआ फेन्सफोरनाव गावनि सावगारिफोरखौ बोखारनानै होनो आर'ज गाबदों। जायराया बुंदोंदि, सावगारिफोरखौ आबुडै इन्टरनेटनिफ्राय बोखारनांगौआ जानो हाथाव नडा, नाथाय थेवब्लाबो फेन्सफोरनाव आर'ज गाबनो हायो। जायराया इनस्टाग्रामआव मोनसे पस्टनि गेजेरजों आर'ज गाबदों। बियो इउएसनि राजखान्थि दैदेनगिरि बनीं सेन्डर्सनि मोनसे कार्टुनखौ पस्ट खालामदों जेराव लिरदों-अन्जाल फेन्सफोर। आं नोंथांमोननियव आरोबाव खनसे



आर'ज गाबोदि, आंनि मेसेजखौ फरायना ला। जायराया लिरदों-बे मोनसे मेसेजखौ आं थानाय खेबआव आंनि पेजआव शेयार खालामदोंमोन। जुदि नोंथांमोनहा। गिबियाव फरायाखैमोनब्ला बेखौ गोदानै शेयार खालामफिनबाय।

लाइमोन खालामो। बेखौ बाहायोब्ला स्कीनआ मोजाडै मइशुराइज जानायजों लोगोसे हुइजु-हुइजा जानाय, दागो, हाख'र-हाला आरो पिम्पल्स बायदि जेंनाफोरनिफ्राय रैखा मोनो। बिब्बिब्ला, फे बिटस्टनि क्रीमखौ माबोरै बानायो बेनि सोमोन्दै मिबथिनानै लानि-

बयनिखुइबो सिगां बिटखौ ग्रीन्डरआव होनानै बनि जुस दिहूनानै ला। बेनि उनाव गंसे आइजेडव सामुचनै एलभेरा जेल, बादामनि थाव आरो भिटाडिन इ-केपसुल होनानै बेखौ बै समसिम लगाय जेब्लासिम बेनि टेक्सरआ गुफुर जायो। बेनि उनाव बेयाव 4-5 सामुच बिटनि जुसखौ होनानै मोजाडै गलाय।

जुदि क्रीमखौ नोंथाड बारा गोजाद्राय मोनोब्ला बेयाव आरोबाव एसे एलभेरा जेल होबावनानै गलायनो हागोन। दानिया बेखौ बबेबा फिसा एयारटाइड कन्टेनरआव सोनानै दोन आरो बेखौ नोंथाड फ्रीजआव दोनानै 15 सानसिम बाहायनो हागोन। बेखौ नोंथाड सान आरो हर मोननैबो समावनो खालामनो हागोन। बेखौ बाइजोआव ऑंखारनायनि सिगां आखाइयाव एसे लानानै मोखाडाव फुननांगौ। बेजों नोंथानि मोखाडाव गुलापी गाव ऑंखारगोन। बेजों लोगोसे हराव उन्दुनायनि सिगां बे क्रीमखौ लगायोब्ला फुडाव नोंथानि मोखाखौ जौनाय नुगोन।

## टिभिनि जारिमिन आरो बेजों सोमोन्दो गोनं जर'खा बाथ्राखौ मिबथिनाय जादों

गोदान दिल्ली, 22 नभेम्बर: टेलिभिसननि नाजानाय, बाहायजाथाव, इयुनखौ लानानै सावरायलायनो थाखाय बोसोरफ्रोमबो 21 नभेम्बरआव वल्ड टेलिभिसन डे खौ खुंनय जायो। दासिमआव टेलिभिसननि दावबायनाया गोबां रहस्य गोनं जाबोदों आरो बेयो ब्लेक एन्ड ट्वाइटनिफ्राय आथिखालनि समाव स्मार्ट टिभिसिम

सौफेदों। इडएन महासभाया डिसेम्बर 1996 आव 21 नभेम्बरखौ वल्ड टेलिभिसन डे महरे फालिनो फोसावदोंमोन। मख'नो गोनांदि, 1996 आवनो 21 नभेम्बरआव गिबि मुलुगनां टेलिभिसन फरामखौ गायसन्दोंमोन आरो बेनिनो मख'नायाव मुलुगनां टेलिभिसन सानखौ मानिनाय जायो। मुलुगनां टेलिभिसन फरामखौ गायसन्नायनि

थांखिया मोनसे एरैबादि जौसांखौ मोन्नो हानायमोन, जेराव टिभिनि मख'जाथाव बाथ्राखौ सावरायनो हायो। बे सानआव फोसावदिं आरो मुलुगयारिनि जाहोनाव टेलिभिसननि फाव दिन्थिनायनि सोमोन्दै सुबुंफोरनि गेजेराव जांखिखांनयखौ लाबोनो थाखाय जायगानि आरो मुलुगयारि थाखोआव

सावरायनाय जायो। 1927 आव आमेरिकानि बिगियानगिरि जन लगी बेयाड आ टेलिभिसनखौ दिहुन्दोंमोन, नाथाय बेखौ इलेक्ट्रिक महर होनायाव 7 बोसोरनि सम नादों आरो 1934 आव टिभिआ आबुडै थियारि जादों। बेनि उनाव 2 बोसोरनि गेजेराव माखासे गोदान मुगानि टिभिनि



स्टेसनखौ खुलिदों आरो टिभिया सुबुंफोरनि एन्टरटेनमेन्टनि मुवा-बेसाद जादों। 1934 आव टिभिआ फैनानयनि उनाव बेखौ भारतसिम दैथाय हरनो थाखाय 16 बोसोर नादों आरो गिबि खेब 1950 आव बेयो भारतआव फेदों, जेब्ला सासे इन्जिनियारिनि फरायसाया दिन्थिफुनायाव टेलिभिसनखौ लाबोदों।

# इराकआव आइ एसनि गाग्लोबनायाव सा 7 रैखाथि मावसुमाफोरनि जिउ खहा, सानै जोखोम

**बागदाद, 22 नभेम्बर:** इराकनि सलुदीन ओन्सोलाव हाथियार लाग्राफोरनि गाग्लोबनायाव सा 7 रैखाथि मावसुमाफोर थैयो आरो बे गाग्लोबनायाव सानै रैखाथि मावसुमाफोर जोखोम जायो। गनायना लानाय बायदिल्ला, इराकआव थानाय हाथियार लाग्रा इस्लामिक स्टेट (आइएस) आफादन उतखारिफोरा बे गाग्लोबनायखौ खालामदों। बेनि सिगां थांनाय 18 जुलाइयाव इराकनि राजथावनि बागदादिन सा ओन्सोलाव इस्लामिक स्टेटनि उतखारिफोरा गाग्लोबनायाव इराकनि सान्निधि जौसिन कामान्दारखौ बुथारदोंमोन। बे समाव आइएस उतखारिफोरा सान्निधिफोरनि



गारिखौ नोजोर होनानै गाग्लोबदोंमोन। बेरा फारसे मखौल पर्वतआव रैखाथि हान्जा

आरो हाथियार लाग्राफोरनि गेजेराव गिलु-बालु दावराव-दावसि जायो। बेनि उनाव हाथियार लाग्राफोरा हाजो ओन्सोलाव खारगलानायाव जाफुसारे। बे समाव रैखाथि हान्जाया मखौल हाजोनिक्राय गोबां अन्जिमानि गला बारुद

आरो हाथियारफोर नागिरनानै मोनो। बे दावराव-दावसियाव सानै रैखाथि हान्जानि जवानफोरा जोखोम जायो। सुलुडव फोरमायनाय बायदिल्ला आइएसआ गावसोरनि सामलायनाय सुन्नी ओन्सोलफोराव रैखाथि हान्जा

आरो नोगोरारिफोरनि सायाव गावसोरनि गाग्लोबनायखौ गोखों खालामदों। बे गाग्लोबनायाव दर्जननैनिखुइ बांसिन सुबुंफोर थैखांबाय। सुलुडव फोरमायनाय बायदिल्ला, आबु बकर अल बागदादिन गेजेरजों गायसनाय आइएस आफदआ सिरिया आरो इराकआव गोबां गोसारबाय। बे आफादिन थांखिया गासै मुलुगावनो इस्लामफोरखौ गोसार होनाय आरो मुलुगनि गासै हादतफोराव शरिया आयेनखौ फोसावनाय बे आफादआव गिअंथाव सुइसाइड खालामग्रा गुपबो दडा। बेयो उतखारि आफद हाइटेक आरो टेकसेवी। अदेबानि आमेरिकानि सान्निधिफोरनि गेजेरजों इराकनि खुंगिरि सदाम हुसेनि थैनायनि उरनिप्रथय बेयाव आइएस आफादआ गोबां गोसारबाय। आइएस आफादिन नोजोराव इराकआव थिसनजानाय जुथाइ रैखाथि हान्जानि जवानआ दडा।

# इउ एसआ तिब्बतखौ लानानै चीनखौ गोमो होदों

**वाशिंटन, 22 नभेम्बर:** आमेरिकाया तिब्बतखौ लानानै जारिमिनयारि थांखि लादों आरो चीनखौ 60 बोसोरनि गेजेराव बयनिखुइ देरसिनै गोमोहोदों। आमेरिकाया गिबि खेब सेन्ट्रल तिब्बत एडमिनेस्ट्रेसन (सिटिए) नि गाहाय मन्थि लबसां सांगेखौ हवाइट हाउसआव फे नो खवलायहरदों। बेनि उनाव डू सांगेआ शनिबार खालि सान्जौफुआव हवाइट हाउसआव सौहैयो। सुलुनि बादिब्ला, आमेरिकानि बे थांखिखौ लानानै चीननि जिनपिं सरकारआ बिग्रायखानो हागौ। आमेरिकाया माब्लाबाबो तिब्बत सरकार एबा बेनि दैदेनगिरिफोरखौ सोलोरयारि खाथि महरै गोनांथि होयाखै। बेनि जाहोनाव थांनाय 60 बोसोरनिक्रायनो सिटिएनि गाहायखौ आमेरिकानि गुबुन हादरयारि बिफान आरो हवाइट हाउसआव हाबनायनिक्राय जानगार खालामाननै लाखिदों। नाथाय दिनेनि दावबायनायाव



सिटिए आरो बनि राजखाथि गाहायफोरा फारनैनिबो सुबुंखाथि नेमखाथिखौ गनायथि होदों। बेनि गेजेरजों डू सांगेआ थांनाय शनिबारखालि हवाइट हाउसनि बिबानगिरिफोरजों लोगोसे लोगो हमो, आथिखालाव बेयो बिसोरनि गिबि लोगो हमनाय नडा। मानोना थांनाय 2011 आव सिटिएनि हादरगिरि जाखानायनि उनाव डू सांगेआ थांनाय 10 बोसोरनि गेजेराव गोबां खेब हवाइट हाउसनि बिबानगिरिफोरजों लोगो

हमखांबाय। आथिखालाव बिथाडा थोंजोडे हवाइट हाउसआव फैनायनि हांखायलाइ मोन्दों, जाय फेगौ समाव आमेरिकाजों मोजां सोमोन्दोनि इसारा होयो। आमेरिकानि बे थांखिनि उनाव चीनजों लोगोसे बिसोरनि सोमोन्दोया गात्रि जानो हासिगौ, मानोना चीनआ जेब्लाबो तिब्बतखौ गावसोरनि बाहागो होनानै फोरमायो आरो आथिखालाव आमेरिकाया 60 बोसोरनि उनाव तिब्बतनि सायख 'जानाय सरकारखौ मान होदों। □

# हवाइट हाउसआव ट्राम्पनि थाबाय थानो नागिरनाय सिमां नुनाया बायबाय



**वाशिंटन, 22 नभेम्बर:** गोदानै सायख 'जानायनि हादतगिरि जो बाइडेनजों बिसायख 'थियाव जेनायनि उनाव आथिखालनि हादतगिरि डनाल्ड ट्राम्पनि हवाइट हाउसआव थाबाय थानो आसा खालामनाया जोबबाय। मानोना बावयैसो समाव सायख 'जानाय रिपब्लिकन एमपिफोरआ गावसोरनि राइज्योफोरनि थांखि लानायाव सोलायनो नाजानायखौ नेवसिगारदों। डनाल्ड ट्राम्प केम्पेनि सुबुंफोरा गाहाय राइज्योफोरनिक्राय बिसायख 'थिनि फिथाय सौफैनायखौ सोलायनो नाजानाय जादों आरो बैबायदिनि जाहोनाव थांनाय शुक्रबारव ट्राम्पआ मिशिगाननि रिपब्लिकन एमपिफोरजों लोगो हमदोंमोन।

ट्राम्पआ हवाइट हाउसआव सिनेटनि गोबां भट मोन्याय दैदेनगिरि माइक शिके आरो हाउस स्पिकार ली चेटफील्डजों लोगो हमदों। बिसोरो बुंदोंदि, गावसोरनाव मिशिगाननि बिसायख 'थि फिथायखौ सोलायनयनि खौरां फैयाखै। □

# कानाडानि बयनिखुइ देरसिन शहराव 28 साननि लकडाउन जाफिनसिगोन

**ट्रन्ट, 22 नभेम्बर:** कानाडानि गाहाय शहर ट्रन्टआव समबारनिक्राय लक डाउन जाफिनसिगोन। अन्तरियनि प्रिमियर डौग फर्डआ दिने फोसावयोदि, करना भाइयसनि बारायनाय केसनि जाहोनाव शहराव 28 साननि थाखाय लक डाउन जाबसिन्नाय जागोन। बेनि गेजेरजों शहराव इन्डर गावयारि जथुमाफोराव होबथानाय जागोन।



सरकारआ जिम, खानाय हासग्रा, आरो जुवाखौ बन्द खालामनायजों लोगोसे जेरावबो सा 10 सुबुंफोरनि ज' थांनायनि सायावबो होबथानाय जाबसिन्नाय जायो। बेनि गेजेरजों फर्डआ बुं बावदोंदि, जों गासै बो

ओन्सोलफोराव लक डाउन जाबसिन्ना होया। बेनिखायनो जों टरेट आरो पिलआव लकडाउन थाखोखौ होबथानो नायबिजिरगासिनो दडा। बे खैफोद गोनां भाइरासनि गोसारनायखौ होबथानो थाखाय जों नाइबिजिरनाया गोनांथार।

मख 'नो गोनांदि, लकडाउननि समाव फार्मासि आरो मुवा-बेसादिन दकान आरो स्टर्सफोरा 50 जौखोन्दोनि गोहोजों खुलायै थागोन। लकडाउननि नेमखाथिफोरखौ फालिनायजों लोगोसे स्कु लफोराबो खुलायैनो थागोन। रेस्टुरेन्ट आरो बारफोरखौ बाहायनो गनारयथि होनाय जानाय नडा।

मख 'नो दोनांदि, ट्रन्टयाव कभिड-19 केसनि अन्जिमाया 1 लाख बारबाय। बेबायदि थासारिखौ नोजोर होनानै कानाडानि गाहाय मन्थि जास्टिन टुडिलेआ नोगोरारिफोरखौ बे सप्ताहयाव गोलोफोरजों लोगो हमै, जोनोम सान एबा गुबुन डिनार पार्टि खालामनै बोसोन होयो। □

# ना हमग्राफोरनि गेजेराव सिनायनो हायै बेरामया गोसारदों

**डैकर, 23 नभेम्बर:** करनानि इनफेक्सनखौ लानानै मुलुगनाडै गिखांदों। नाथाय आथिखालाव गोदान-गोदान बेराम जानाया फुरा मुलुगखौ गिखांहोदों। बलिबियाआव रहस्यमय प्लु जानायनि उनाव आफ्रिकानि हादत सेनेगलनि राजथावनि डैकरयाव रहस्यमय लैथोमा बेरामआ गोसारदों। बे बेरामा लैथोमायाव ना हमनो थांनाय सुबुंफोरनाव जादों आरो बे बेरामआ गोसारलांबाय थादों। माखासे सम सिगां सासे लाइमोन ना हमग्रानाव बे गोदान बेरामनि लोक्षीनखौ नुनो मोन्याय जादों आरो बेनि उनाव बे बेरामआ हाजार हाजार सुबुंफोरनाव गोसारदों।



सेनेगलनि गागि बिबानगिरिआ फोरमायदों बे बेरामनि सोमोन्दै दासिमबो रोखा फोरमानखौ मोनो हायाखै। बे बेरामनि लोक्षेनआ आलादा रोखोमनि आरो बे बेराम जानाया सा 500 निक्राय बांसिन सुबुंफोरखौ क्वारेन्टाइन खालामनाय जाबाय। जाहाथे बे बेरामा रावनाबो गोसारा। सेनेगलनि ना हमग्राफोरा जाय बेरामनि मैहूर जानांदों बेयो बिगुरजों सोमोन्दो दं। बेना जेबो फाहामथाय गैया। बिगुरा थाबैनो मानलुनायनि उनाव बे बेरामआ बिगुराव बाराय लाडे। बे बेरामआ सासे सुबुंनिक्राय गुबुन सासे सुबुंनाव गोसारो। □

# कभिड-19 इन्फेक्सन लाइजामजों मुलुगनि गागि दैदेनगिरिफोरा गिदिर खैफोद दं: इन्टारपल

**गोदान दिल्ली, 22 नभेम्बर:** मुलुगनाडै करना भाइरासनि खैफोदआ दासिमबो थाबथानानै थायाखै। माखासे हादरफोराव करनानि नैथि दोहौआ सोमजिदों। बेजों थासारिआ फिन खेबसेबाव जेना गोनां जादों। बेनि गेजेराव हारिमायारि एजेन्सि इन्टारपलआ दाबि दैखांदोंदि, राजखाथि दैदेनगिरिफोरखौ करना इन्फेक्सन लाइजामनि गेजेरजों थांखिनो हागौ। इन्टारपलआ मुलुगनाडैरैखाथि एजेन्सिफोरखौ



सांग्रांथिखौ आजावनानै लानो खवलायदों। गोनांथि महरै

सांग्रांथि होनायखौ फोसावनानै बुंदोंदि, हादरगिरि, गाहाय मन्थि आरो गिदिर दैदेनगिरिफोरखौ करना इन्फेक्सन लाइजामनि गेजेरजों थांखिनो हागौ। इन्टारपलआ बुंदों, गोबां गिदिर खैसार सानाय जादों। बेनिफ्राय सांग्रांथियै थानाया गोनांथार। नायबिजिरगिरि एजेन्सिफोरनि बिबानगिरिफोर, डाक्टर्स आरो एसेन्सियल वार्कर्सखौ गिखां होनो थाखाय बिसोरनि सिगाडव गुजुनाय आरो जुमुदें गारनाय जादों। □

# कानाडया भारतनिक्राय 100 बोसोर सिगां खावनानै लांनाय मुर्तिखौ हरफिनसिगोन

**केनाडा, 22 नभेम्बर:** कानाडानि गंसे इडनिभासिटीआ भारतनिक्राय 100 बोसोर सिगां खावनानै लांनाय मुर्तिखौ दैथायहरफिननो थांखि लादों। इडनिभासिटीआ जारिमिनारि गोरोन्थिखौ मोजां खालामफिननो थाखाय 18 जौथायनि हिन्दु देबी अन्नपुर्णानि आगोमा मुर्तिखौ भारतनो गथायफिनगोन।




बे मुर्तिया ब्रिटेननि खौरंगिरि आरो जारिमिनारि नमनि मेकेन्जीनि 1936 नि सम्पत्तिनि बाहागो आरो आथिखालआव रेजिया इडनिभासिटी मिडजियामनि बाहागो फावगिरि दिब्या मेहेयया फोरमायदोंदि, बे मुर्तिखौ गोरोन्थियै लाबोनाय जादोंमोन।

19 नभेम्बरआव बे मुर्तिखौ डिजिटल महरै हरफिननो हाबाफारि खुंदों आरो आथिखालआव बेखौ थाबैनो दै थायहरफिन नसिगोन। इडनिभासिटीनि अन्तरिम आफादगिरि आरो भाइस चेन्सेलर डू थमस चेजआ बे मुर्तिखौ मावख 'आरि महरै भारतआव दैथाय हरफिननो थाखाय कानाडयाव भारतीय हाइकमिसनार अजय बिसारियाजों डिजिटली नेमखाथिजों लोगो हमदों। बिसारियाआ फोरमायदों जों गोजोनाय मोन्दोंदि, अन्नपुर्णानि बे आगोमा मुर्तिखौ भारतआ मोनफिनसिगोन। □

# बुहुमनि खाथिजों उल्कापिन्डआ गिदिंखन लांदों

**लन्डन, 22 नभेम्बर:** मटरनि दाथायनि सन्मान मोनसे उल्कापिन्डआ बुहुमनि खाथिजों गिदिंखन लांदों आरो बे बाश्चाखौ बिगियानगिरिफोरा मिबथिनो मोनाखै। बे उल्कापिन्डनि दाथाया लन्डननि बासनि समान। बेयो दिवालीनि सानसे सिगां 13 नभेम्बरआव बुहुमनि खाथिजों 386 कि:मि: जान्थायजों गिदिंखनलांदोंमोन।



बिगियानगिरिफोरा उल्कापिन्डआ बुहुमनि खाथिजों गिदिंखनलांनायखौ 15 घन्टानि उनाव मिबथिनो मोन्दों। सुलुनि बादिब्ला, बे उल्कापिन्डनि मुंखौ 2020 इउटि 4 दोन्दों। बेजों लोगोसे बेयो बुहुमनि खाथिजों गिदिंखनलांनाय उल्कापिन्ड जादों। बिगियानगिरिनि बादिब्ला, उल्कापिन्डनि दाथाया 5-10 मिटर गुवार जानो हागौ। □

# रनाल्डि हान्जाया देरहादों आरो लियनेल मेसिनि दैदेन्नाय हान्जाया जेन्दों

लन्डन, 22 नभेम्बर: इटालि हादतआव दासान्दि सोलिबाय थानाय सेरि ए फुटबल लीगनि मोनसे मेचखौ मिजिथिजानाय गेलेगिरि क्रिस्टियान रनाल्डि हारसिडे मोनै गल होनो हानायनि हेफाजाबजों जुभेन्टास क्लाबआ केगलियरि क्लाबनि हेथायै देरहानो हादों। एपैहाय ला लीगनि गेलेनाय मेचखौ लियनेल मेसिनि दैदेन्नाय बासिलना क्लाबआ एटलिटिक मेड्रिडि आखाइयाव 0-1 गलआव जेनो गोनां जादों। गेलेगिरि इयानिक आ 48 मिनिटआव गलखौ होनो हादोंमोन। गुबुन फारसेथि सेरि एनि गेलेनाय मेचआव जुभेन्टास क्लाबआ गोखौ गेलेनायजों खाबु मोन्नायाव रनाल्डिआ 38 मिनिट आरों 42 मिनिटआव गलखौ होनो हानायनि जाफुसारादों। गिबि हाफ टाइमनि गेजेरावनो जुभेन्टास क्लाबआ होनाय मोनै गलखौ उननि समाव एबा 2 थि हाफ टाइमआव बेरेखा हान्जाया होफिन्नी हाथैनि जाहोनाव मेचखौ देरहानो हायो।



बे मेचखौ देरहानायजों जुभेन्टासआ सिरि एनि पइन्ट पारिलाइयाव मोन 8 मेच गेलेनायाव मोनबै मेच देरहानायजों 2 थि सारिआव जायगा आवग्रियो। बासिलना क्लाबआ सोलिफु सिल्वनि ला लीगायाव दासिम मोन 8 मेच गेलेनायनि गेजेराव मोन 3 मेचखौल देरहानायजों पइन्ट पारिलाइआव 11 पइन्टजों 10 थि सारिआवसो थानो गोनां जादों।

मिथिनाय बायदिल्ला बासिलनानि गेलेनाया सोलिफु सिल्वनि ला लीगायाव बयनिखुइबो लोखासिम मेच गेलेनाय जादों। गुबुन फारसेथिजामनि हादतआव सोलिबाय थानाय बुन्डेस लीगा लीगनि मेचआव देरहानायखौ मोनसे जासिमिनारि रेकड जानाय नुनो मोनदों। बुरसिया डर्टमन्डनि जाननै 16 बोसोरि बैसोनि गेलेगिरि इयुसुपाया बयनिखुइबो खम बैसोआवनो गेलेनो हानाय एबा

गेलेनो खाबु मोन्नाय गेलेगिरि जादों। बेनि सिगां गेलेगिरि नुरि साहिनआ मुलुगनि बयनिखुइबो खम बैसोआव गेलेनो हानाय लाइमोन गेलेगिरि जानो हादोंमोन। बिथाड 2005 नि आगस्ट दानाव गावनि गिबि मेचखौ खम बैसोआव गेलेनो खाबु मोनदोंमोन। बेनि गेलेनाय हेफाजाबजों डर्टमनआ 5-2 गलनि फारगथिआव हेरटाखौ फेजेन्नी हादोंमोन।

## भारतनि क्रिकेट हान्जाया अस्ट्रेलियाआव मोन 7 टेस्ट मेचखौल देरहादों

गोदान दिल्ली, 22 नभेम्बर: मुलुगनां क्रिकेटनि फोथाराव गोखौसिम क्रिकेट हान्जा महेरि मिथिसार जानाय भारत आरो अस्ट्रेलियानि गेजेराव दासिम मोन 98 टेस्ट मेचखौ गेलेखांबाय। बेनि गेजेराव भारतनि हान्जाया अस्ट्रेलियानि हेथायै मोन 28 टेस्ट मेचखौ देरहानायनि अनगाथैबो मोन 42 मेचखौ जेन्नादों। लोगोसे मोनसे मेचखौ मोन 2 हान्जानि गेजेराव टाइ जायो आरो मोन 27 टेस्ट मेचनि गेलेनाय फिथाया ड्र जादों। भारतनि हान्जाया अस्ट्रेलियानि हादतआव थानासि दासिम मोन 48 टेस्ट मेचखौ गेलेहेनायनि गेजेराव मोन 7 टेस्ट मेचखौल देरहानो हादों आरो बेनि मोन 29 टेस्ट मेचखौनो अस्ट्रेलियानि हेथायै जेन्नादों। मख'नो गोनांदि, फैगौ 17 डिसेम्बरनिफ्राय अस्ट्रेलिया हादतनि एडिलेडआव गिबि खेब डे नाइट टेस्ट मेचखौ गेलेगोन। बे सिरिज गेलेनायनि सिगांनो मोनै हान्जानि गेजेराव बेसेबां मेचफोरखौ देरहाखो आरो जेन्दों बेनि सायाव मोनै हान्जानि गेजेराव रुजुनानै नोजोर होयोब्ला भारतआ अस्ट्रेलियानि हायाव बासिम मेचफोरखौनो जेन्नादों, अदेबानि फैगौ समाव भारतनि हान्जाया देरहानो थांखिजों अस्ट्रेलियानि हेथायै जुजिगोन। कभिड-19 महामारिनि जाहोनाव अस्ट्रेलिया सरकारआ डे नाइट क्रिकेट सिरिजखौ लानानै गोनां थांखिजों भारत आरो अस्ट्रेलियानि गेजेराव गेलेनाय टेस्ट मेचखौ नायनो थाखाय 50 जौखोन्दी अनसायारिफोरखौ स्टेडियमआव थिसन्यानयनि गनायथि होयो। भारत आरो अस्ट्रेलियानि गेजेराव गेलेगोन स्टेडियमआव गासै 54 रोजा नायगा अनसायारिफोर जिययनो हानायनि खाबु दड। कभिडनि समावनो अस्ट्रेलिया सरकार बेवायदि थांखि लानाया क्रिकेट अनसायारिफोरनि थाखाय गोजेन्थाव जादों। नाथाय स्टेडियमआव हाबनायनि सिगां साफ्रोमबो नायगा सुबुंफोर कभिडनि नेमखांथिखौ गोनांथारै फालिनो गोनां जागोन।

## इलिस प्रिमियार लीगनि गेलेनाय मेचआव चेल्सिआ 2-0 गलआव निउकास्टालनि हेथायै देरहादों

लन्डन, 22 नभेम्बर: मुलुगनि क्लाबफोरनि गुबुन मोनसे मिथिसार जानाय देरसिम इलिस प्रिमियार लीगनि मेच गेलेनाया दासान्दि हान्जाफोरनि गेजेराव फारिये सोलिबाय थादों। प्रिमियार लीगनि थानाय हरनि समाव गेलेनाय गुबुन मोनसे मेचखौ चेल्सि क्लाब आरो निउकास्टाल क्लाबनि गेजेराव मोगा-मोगि गेलेयो। बे गेलेनाय मेचखौ चेल्सि क्लाबआ थांखि बादियै 2-0 गलआव देरहानो हानायजों दासिम पइन्टनि फारिलाइआव 1 थि जायगा आवग्रियो हायो। गेलेनायनि सिगां समनिफ्रायनो चेल्सिन गेलेनाया जोबोद गोखौ जानायजों गिबि हाफ टाइमनि 10 मिनिटआव निउकास्टालनि गेलेगिरि फार्निन्डिसआ गावनो गाव गलखौ जोसना लानायजों 1-0 गलआव चेल्सिआ आवगायनो हायो बेनि उनाव

चेल्सिन गेलेनाया आरोबाव गोखौसिम जानायजों 2 थि हाफ टाइमनि 65 मिनिटआव गेलेगिरि अब्राहमआ जोसन्नो



हानायजों 2-0 गल जाहैयो। अदेबानि जोबथा समसिम निउ कास्टालआ बे गलखौ होफिन्नी हाथैजों जेन्नायखौ सिमान लानाडो। बे मेचआव मोनैबो हान्जानि गेलेनायखौ जोबोद गोखौ जुजिलायनाय नुनो मोनदोंमोन।

# 7 थि सिजन आइएसएलनि मेचआव नर्थइस्ट इउनाइटेड एफसिआ देरहानायजों जागायजेन्दों

गवा, 22 नभेम्बर: भारत हादतनि गुबुन गुबुन राइज्योफोरव कभिड-19 नि गोहोम गोलैनाया गिथावनयै सोलिबाय थानायनि गेजेरावनो दासान्दि 7 थि सिजन इन्डियन सुपर लीग सुंदयै आइएसएलनि मेच गेलेनाया गवा राइज्योनि गेलेग्रा फोथाराव सोलिगासिनो। बे सिजननि आइएसएलनि गिबि मेचखौ थानाय हरनि समाव गेलेनाय फिथाय बायदियै नर्थइस्ट इउनाइटेड एफसिआ देरहानायजों जागाय जेन्दों। गेलेजेन्नाय आइएसएलनि मेचखौ इउनाइटेड एफसिआ मुम्बाइ सिटिनि हेथायै 1-0 गल एबा गलसेनि फारगथिआव देरहानो हानायजों पइन्टखौ लानो हायो। मख'नो गोनांदि, थानाय सिजनआव इउनाइटेड एफसिआ सिगां समाव गोखौ गेलेनायखौ दिन्थिनो हादोंब्लाबो नाथाय फाइनाल राउन्डसिम गेलेहेनो हायाखैमोन। जाहोनाव सिगांनि जेन्नायनि फिथायखौ लानानै बे सिजननि आइएसएलनि गेलेजेन्नाय मेचखौ गोखौ



गेलेनायै देरहानायजों आवगायनो हादों। गवानि भास्काडि गामानि टिलक गेलेग्रा फोथाराव गेलेनाय आइएसएलनि मेचखौ देरहानो थांखिजों मोनैबो हान्जानि गेजेराव सिगांनिफ्रायनो गोखौ गेलेनायखौ जागायजेन्नाय नुनो मोन्नायनि गेजेरावनो मुम्बाइ सिटिनि गेलेगिरि आहमेद जाहवा गात्रि गेलेनायनि थाखाय रेपारिजों रेड कार्ड दिन्थिजाना गेलेग्रा

फोथारनिफ्राय आंखार नानायनि उनाव सा 10 गेलेगिरिफोरखौनो सिटि क्लाबआ गेलेनो गोनां जानायव इउनाइटेड एफसिआ खाबु मोन्नायाव गलखौ होनो हानायव जाफुसारा। नर्थइस्ट इउनाइटेडनि जानानै गेलेगिरि मिगुयेल बियराआ गलखौ होनो हादोंमोन। फारसेथि मुम्बाइ सिटिआ 2 थि हाफ टाइमनि 66 मिनिटआव गलखौ

होफिन्नी हानायनि मोजां खाबु मोन्नायखौ फेलें खालामना लानानै जोबथायव बेनो मेच जेन्नायनि गुबै जाहोन जायो। गिबि गेलेजेन्नाय मेचखौ देरहानो हानानै नर्थइस्ट इउनाइटेड एफसिआ गोजेन्नाय फोरमायनायजों लोगोसे फेगौ मेचखौबो बेबायदिनो गोखौ गेलेनो थांखि लानाय बाथाखौ सुलुडाव फोरमायदों।

## फुटबलनि गल्डेन एवार्ड

नर्वेनि अलिंग हलान्डआ गल्डेन बय आरो बेगिन्जिआ गल्डेन गार्ल एवार्डखौ देरहादों

इटालि, 22 नभेम्बर: सोलिफु बोसोरनि गेजेराव जालानाय एबा गेलेलांनय फुटबल मेचफोरव गोखौ गेलेनायै दिन्थिनो हानाय सानै हौवा आरो हिन्जाव गेलेगिरिनो गल्डेन एवार्डखौ गथायनानै होनाय जादों। मिथिनाय बायदिल्ला नर्वे हादतनि लाइमोन फुटबल गेलेगिरि अलिंग हलान्डनो गल्डेन बय आरो बेरनानि बेगिन्जिनो गल्डेन गार्ल एवार्डखौ गथायनानै होदों। नर्वे हादतनि 20 बोसोर बैसोनि लाइमोन गेलेगिरि हलान्डआ बे माननि बान्थाखौ आजावनो हानायव जोबोद गोजेन्नाय फोरमायदों। हलान्डआ थानाय 2019-2020 सिजननि गुबुन फुटबल बादायलायनायफोरव मोन 40 मेच गेलेनायाव गासै 44 गलखौ होनो हानायव जाफुसारादों। बेनि गेजेराव मोन 10 गलखौ थानाय सिजननि सेम्पिस लीगनि मोन 8 मेच

गेलेनायाव होनो हादोंमोन। हलान्डआ बरुशिया डर्टमन्ड क्लाबनि जानानै मोन 29 मेचफोरव मोन 27 गलखौ होनो हादों। अदेबानि बे

डेभिसआ 3 थि सारिआव जायगा आवग्रियो हायो। मिथिनाय बायदिल्ला बे गल्डेन एवार्डनि थाखाय गेलेगिरिफोरखौ सायख'नायाव



बोसोरनि गेजेराव मोन 11 मेच गेलेनाय मोन 11 गलखौ होनो हाबावदों। बासिलना क्लाबनि लाइमोन गेलेगिरि अन्सु पाटिआ खम बैसोआवनो गेलेनो खाबु मोन्नायजों माखासे गलखौ होनो हानायजों फारिलाइआव नैथि जायगाखौ आवग्रिनो हायो। बेजों लोगोसे बेयान मिडिनिकनि गेलेगिरि अलपान्स

अनलाइननि गेजेरजों भटनि गेजेरजों लानाय जादोंमोन। जेराव मोनसे बिथिडाव बासिलनानि अन्सु पाटिआ अनलाइननि गेजेरजों बासिन भटखौ मोनो हादोंमोनब्लाबो नाथाय हौवाफोरनि गल्डेन बय एवार्डखौ नर्वेनि लाइमोन गेलेगिरि अलिंग हलान्डआसो देरहानो हायो।

## लकडाउननि उनाव भारतनि आइजो फुटबल हान्जानि फोरोंथाय बादाया डिसेम्बरनिफ्राय जागाय फिनगोन

गवा, 22 नभेम्बर: भारतनि आइजो फुटबल हान्जाया फैगौ समनि माखासे फुटबल बादायलायनायफोरखौ नोजोर होनानै थाबैनो प्रेक्टिस खालामनाय बादाखौ खुंनो थाखाय थांखि लाबाय। मोनसे सुलुड फोरमायनाय बायदिल्ला गवाआव भारतनि आइजो फुटबल हान्जानि फोरोंथाय लानायबादाया सोलिफु बोसोरनि फैगौ 1 डिसेम्बरनिफ्राय जागायफिनगोन। मख'नो गोनांदि लकडाउननि उनाव भारतनि आइजो फुटबल हान्जानि फोरोंथाय लानाय बादाया गिबि खेब जागोन। हान्जानि कच मेयमाल राकिया मिथिहोनाय बायदिल्ला बे फोरोंथाय बादानि थाखाय दासिम आइजो फुटबल हान्जानि थाखाय सा 30 गेलेगिरिफोरनिसिम मिथिसार बिलाइखौ दैथाय हरदों। कचआ बुंवावोदि, बे फोरोंथाय बादायाव फैगौ बोसोरनि एफसि आइजो एशियान काप 2022 नि थाखाय थियारि जानायनि थांखि लादों। गिबि खेब लकडाउननि उनाव खुंनो लानाय एबा जागायजेन्नी गोनां फोरोंथाय बादायाव मोनफ्रोमखौबो नोजोर होनानै स्टेन्डाड

अपारिं प्रिससरनि थाखायबो थियारि खालामनाय जादों। कभिड-19 नि प्रटकल आरो गाइडलाइनखौ नोजोर होनानै हान्जानि गेलेगिरिफोरनि थाखाय खुंनय फोरोंथाय बादाया जागाय जेनगोन। भारतनि नेसनेल फुटबल हान्जानि डाइरेक्टर अभिषेक यादवआ बुंनाय बायदिल्ला भारतनि हौवा फुटबल हान्जानि गेलेगिरिफोरजों लोगोसे आइजो फुटबल हान्जानि फुटबल गेलेगिरिफोरखौ गेलेग्रा फोथाराव थाबैनो लाबोफिन्नी थांखि लानायजों फोरोंथाय बादाखौ जागायजेनफिन्नी थियारि जादों। थानाय माखासे दानफोरव जों साफ्रोमबो गेलेगिरिफोरनि थाखाय जोबोद जिडनि सांग्रांथि गोनां जानानै थादों। बे बायदि खैफोदनि समाव गेलेगिरिफोरखौ न'आवनो दोन्थ'नायजों दासान्दि थासारिआ एसे मोजाडाव फैफिन्नाय लोगो लोगो फोरोंथाय होनाय आरो बायदि फुटबल बादायलायनायफोरखौ जागाय जेनफिन्नी थांखि लानायजों बे बादाया साफ्रोमबो गेलेगिरिफोरनि थाखाय खाबु गोनां जागोन।

## महम्मद सामिआ आइपिएलनिफ्राय मुलाम्फा गोनां जादों

सिडनि, 22 नभेम्बर: भारतनि क्रिकेट हान्जानि गोखौ बलार महम्मद सामिआ सोलिफु बोसोरनि थानाय समाव जालानाय 13 थि सिजन इन्डियन प्रिमियार लीग सुंद'थै आइपिएलआव गोखौ गेलेनो एबा बलिं खालामनो हानायनि उनाव दासान्दि खुंजानो गोनां भारत आरो अस्ट्रेलिया हान्जानि गेजेराव टेस्ट सिरिजनि थाखाय गावनि गेलेनायखौ थियारि खालामदों। मख'नो गोनांदि थानाय सिजननि आइपिएलआव महम्मद सामिआ किस इलेभेन पान्जाब हान्जानि जानानै गासै मोन 20 उइकेटखौ लानो हानायजों गावनि गेलेनाय के रियारआव गोखौसिम



गेलेनायखौ दिन्थिनो हादों। महम्मद सामिया बुडोदि, आइपिएलआव किस इलेभेन पान्जाबनि थाखाय आं आंनि गोखौ गेलेनायखौ दिन्थिनो हानायजों गेलेनायखौ गावनि सायाव फोथायनाय लाखिनो हादों। सामिया बुंवावोदि, आइपिएलआव गोखौ गेलेनाय

आं आंनि गोसोआव सन्देह थानाय गोनो गोथोखौ जानगार होनो हाबावदों। बेनिखायनो थानाय सिजननि आइपिएलखौ मोनसे जाफु'सारनाय बादायलायनाय जादों होनानै महम्मद सामिया फोरमायो। खौरं बिजॉनि सिगाडव थानाय लकडाउननि समाव गावनि

बलिं खालामनाय आरो फिन्सेसखौ गोखोडे लाखिनो थाखाय गोबां खामानि मावदोंमोन। जेराव बे फिन्सेसआ आइपिएलआव गोबां खामानि हादों एबा हेफाजाब हादों होन्नाय बुडो। किस इलेभेन पान्जाबनि जानानै गेलेनायाव महम्मद सामिआ हान्जाखौ फाइनाल राउन्डसिम लानो हायाखैब्लाबो नाथाय माखासे मेचफोरव हान्जाखौ देरहाहोनो हानायव गोनांथार बिहोमा होनो हादों। महम्मद सामिया फैगौ बावैसो समनिफ्राय जागायजेन्नी गोनां अस्ट्रेलियानि हेथायै टेस्ट सिरिजआव भारतनि हान्जाजों गेलेनो थाखाय गोखौ थियारि जादों।